

सानसेयारि "बड'सा" ख्रौरांलाइयाव
अमजयारि जिउजो लोखा थानाय रायथाय, अन्थाय,
अल', अल'बाथा आरो बावबायारि थावनि, पार्क
बाइदिनि आयाव लिन्नाय लिन्बिदां दैथाय हर/
सानसेयारि "बड'सा" ख्रौरांलाइया खेबखानानै
फोखावगोन।
बड'सायाव लिन्नायलि दुब्ब खालाम,
"बड'सा" ख्रौरांलाइया, जो बयबो आंगो खालाम।
सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com



एन एड्स एम. आसामनि मिसन डिरेक्टर डा: एम एस लक्ष्मि प्रियाणि
दैदेनायाव गासै जिल्लाफोरजो आर बि एस के मेल जथुमदो। आर बि
एस के प्रग्रामनि आवथायाव किर्निनि सायाव साबसिन सिबिथाय
होनायनि थाखाय कामरुप ररेल हान्जानो सेथि बान्था गथायदो।

BODOSA ★ A Bodo News Daily ★ Tuesday ★ 7 February, 2023 Kokrajhar, BTC, Assam ★ Vol.- 32, Issue No. 312 ★ R.N.I.Regd. No. 40994/91, Assam Govt.Regd.No.IPRD.40/2006/13, ★ Rs.8/-

दुलाराय बाक्सा जिल्ला
फरायसा आफादनि
गेलेमु नेहाथारि कुमुद
डेकाखौ मासिनफ्राय
होखारबाय

तामुलपुर, 6 फेब्रुवारी:
दुलाराय बाक्सा जिल्ला
फरायसा आफादनि गेलेमु
नेहाथारि कुमुद डेकाखौ
दुलाराय आसाम फरायसा
आफादनि संबिजिरि बरेखा
खामानि-दामानियाव लोब्बा
थानायनि थाखाय दिनेनिफ्राय
फरायसा आफादनि गुदि सोद्रोमा
मासिनफ्राय होखारनाय जायो।
जायखौ बाक्सा जिल्ला
फरायसा आफादनि आफादगिरि
गबिन्द शरनियाआ आरो बिबान
मोन्नाय गाहाइ नेहाथारि
दुलुजीत (□ 5 बिलाइआव)

तुर्कि आरो सिरियाआव गिख्रंथाव बांग्रि मावनायजो दासिम सा 2300 सुबुंफोरनि जिउ ख'हा

आंकर, 6 फेब्रुवारी: तुर्कि
आरो सिरियाआव दिने
समबारखालि 24 घन्टा समनि
गेजेराव गासै खेव 3 गिख्रंथाव
बांग्रि मावनायजो गोबांथार ख'हा
जानायजो लोगोसे सा 2000
नि बांसिन सुबुंफोरनि जिउ
ख'हा जानायनि खोरं मोन्नाय
जादो। सुलुंनिफ्राय मिबथिनो
मोन्नाय बायदिब्ला,
समबारखालि तुर्किनि नुखुगि
सहरनिफ्राय 23 कि:मि: सान्जा
फासै ओन्सोलाव 7.8 गोखो
जखाथिनि बांग्रि मावनाय



सोमजिदो। खमैबो 1 मिनिट
सम सिम बांग्रि मावनायजो
ओन्सोलाव गोबां गेदेर गेदेर न'-
बांफोर बायग्रबनानै सिलिखार
जादो। बांग्रि मावनायनि
जाहोनाव गेदेर गेदेर बिलिंड
न'फोरा बायनायजो
होसिनजानानै दासिम बे दरने
हादतआव सा 2300नि बांसिन
सुबुंफोरा जिउ गोमाबाय।
लोगोसे बांग्रि मावनायजो तुर्कि
आरो सिरियाआव गोबां न'-
बां, लामा-दालां गासै
(□ 5 बिलाइआव)

तामुलपुर जिल्ला हान्था-मेला मावखुलि लुनो अन्थाइ खाम्फा गायसन्दो



तामुलपुर, 6 जानुवारी: बिटिआरनि गोदानै
दाफुंजानाय जिल्ला तामुलपुरआव दिने जिल्ला
हान्था-मेला मावखुलिनि अन्थाइ-खाम्फा
गायसन्नाय जायो। मोनसे गोथार हाबाफारिजो
थासारियाव तामुलपुरनि रामेचुबुरी दंपारव
मावखुलि लुनो अन्थाइ खाम्फाखौ गायसो
बिटिआरनि हान्था-मेला बिफाननि मावकुं
सोद्रोमा सेन्द्र नाथ नाजरीआ। हाबाफारियाव
बिटिआरनि मावकुं सोद्रोमा धर्मनारायण दास,
एमसिएलए हेमन्त (□ 5 बिलाइआव)

आजिरा मोन्नाय सान्थिनि थाखाय 11 फेब्रुवारीनिफ्राय थिसन्थायनि सावराय जथुम

दिसपुर, 6 फेब्रुवारी: एड्स
किउ-इष्टर्न कामन्डाआ फेगो
11 आरो 12 फेब्रुवारीयाव
आजिरा मोन्नाय सान्थि (आर्मी)
फोरनि थाखाय सान्ने नाडे
थिसन्थायनि सोमोन्दै सावराय
जथुम खुंफुनो थांखि लादो। मोन
51 उफ्रा जायगानि सिडाव
गुवहाटीनि नारंगो केन्टआव
खुंजानो गोनां बे थिसन्थाय
जथुमनि गाहाइ थांखिआ
जाबाय-फि थाइ गोनां
थिसन्थायनि खाबु मोन्ना
हानायनि बारा' सान्थिफोरनो
(□ 5 बिलाइआव)

आसामआव उन्दै बैसोआव जुलि लानायनि हेंथायै गासै सा 2,441 सुबुंफोरखौ हमबाय

गुवाहाटी, 6 फेब्रुवारी:
आसामाव उन्दै बैसोआव जुलि
लानायजो लोब्बा थानाय
केसआव पुलिसनि गोखो
हाबाफारिआ सोलिगासिनो दड।
बरेखा दोलोनि सावरायनाय आरो
सुबुंफोरनि गोखो धर्ना होनायनि
गेजेरावबो आसाम पुलिसआ
रइज्योनाडे उन्दै बैसोआव जुलि
लानायनि हेंथायै गावसिनि
हाबाफारिखौ सोलिहोदो। बेनि
गेजेरजो गासै 2,441
दायनिगिरिफोरखौ पुलिसआ
हमबाय। गिबि मन्थि उ हिमन्त
(□ 5 बिलाइआव)

उन्दै बैसोयाव जुलि लानाय दायनिगिरिनि हेंथायै गर्बर्धनायाव फिन सा 8 सुबुंफोरखौ हमदो

सालबारि, 6 फेब्रुवारी:
आसामनि गिबि मन्थि उ
हिमन्त बिरश्व शर्माआ
फोसावनाय बायदियै आसाम
पुलिसआ उन्दै बैसोयाव जुलि
लानायनि हेंथायै लानाय
हाबाफारिखौ गोखोडे
मावकुंगासिनो दड। रइज्योनि
गुबुन ओन्सोलावजो
लोगोसे बाक्सा जिल्लायावबो



आइन बरेखा फिसाइफोरनि
हेंथायै सान-हर लान्थियै
सिग्रोमनाय हाबाफारि लानाय
नुनो मोन्नाय जादो। दिनेबो
जिल्लानि सिडाव थानाय
(□ 5 बिलाइआव)

दतमा ब्लक लाइमोन इउपिपिएलि बान्जायनायाव भलिबल बादायलायनाय खुंदो

कक्राझार, 6 फेब्रुवारी:
बिटिआर सरकार खुंथाइनि
गोहोयाव थानाय इउपिपिएल
राजखान्थि दोलोआ हालामाव
गेलेमुनि गोगो आबहावा
सोरजिनाय आरो
लाइमोनफोरखौ गेलेनाय
बिथिडाव थुलुंगा होनायनि
नोजोरजो दासान्दि बिटिसिनि
गासै बियाबफोरवबो भलिबल
बादायलायनाय खुंगासिनो
थानायखो नुनो मोन्दो।
बेबायदिनो गुबुन गुबुन
(□ 5 बिलाइआव)

चिरां जिल्ला बर' खौरांगिरि गौथुमनि सेथि गाइसन्थाय सान फालिदो

चिरां जिल्ला अल बड' डिजिटल जानालिस्ट एससिएसन मुडै दाफामबाय

रुनिकाता, 6 फेब्रुवारी: चिरां
जिल्ला बर' खौरांगिरि गौथुमनि
सेथि गाइसन्थाय सानखौ दिने
जिल्लानि सिडाव रुनिकातायाव
गोदानै लुंफुंवाय थानाय जौगाखां
मावख'याव सानसेनि
हाबाफारिजो फालिदो।
मख'नाय जायोदि, चिरां
जिल्लायाव बर'
खौरांगिरिफोरनि गेजेराव खौसेथै
खौरां बुथुमनायनि खामानि
मावलांनयनि थांखिजो चिरां



जिल्ला बर' खौरांगिरि
गौथुमखौ थानाय बोसोर 2022
माइथायनि 6 फेब्रुवारीखालि
जिल्लानि सिडाव थानाय 2
सालबारि (गासागाव) गामिनि
(□ 5 बिलाइआव)

रडिया जिल्ला बर' थुनलाइ आफादनि खुंगा 37थि बोसोरसालिया जथुम्मा खुंदो

दिपेन चन्द्र बर',
रडियानिफ्राय, 6 फेब्रुवारी:
साननेनि हाबाफारिजो थानाय 4
आरो 5 फेब्रुवारीखालि रडिया
बर' बिजो गोजो
फरायसालियाव रडिया जिल्ला
बर' थुनलाइ आफादनि खुंगा
37थि बोसोरसालिया
जथुम्माखो खुंफुनाय जायो।
हाबाफारि बादियै, जोबथा
सानखालि खुंगा लाइसि
"रैनाखुंफि" खौ गिबि बारा'
सुजुगिरि आरो गगि
खन्थाइगिरि रमाकान्त
बसुमतरिआ बेखेवना होयो।
बेनि उनाव गेवलां मेलाखौ
बेखेवना होयो बि के डब्लिउ
एस एनि मावकुं सोद्रोमा प्रनब



बर'आ। जिल्ला आफादनि
आफादगिरि मदन चन्द्र बर'आ
आफादगिरिनि मासि लानानै
गेवलां मेलाखौ
सामलायलांदोमोन। मेलाव

कदैंगुरी श्रीशंकर
संघनि हिराथि
माइथाय फोबो
फालिदो
भबानिपुर, 6 जानुवारी:
भबानिपुर बियाबनि सिडाव
थानाय गेलेमु, हारिमु,
सोलोंथाय जौगाखानायनि
जारिमिनारि थावनि कदैंगुरी
गामिनि श्रीशंकर संघनि हिराथि
माइथायखौ मैया रबिबाराखालि
सानसेनि हाबाफारिजो खुंफुनाय
जालाडे। श्रीशंकर संघनि
हिराथि माइथाय फोबोनि
हाबाफारिनि फुडाव संघनि
बारा' आफादगिरि प्रानजित
कलितया कदैंगुरीनि महाप्रभु
श्री श्री बंसिगपालखौ सिबिनानै
आलारि बाथि फोजोनायजो
(□ 5 बिलाइआव)

शंकरदेब शिशु बिद्या निकेटननि गायसन्थाय सान फालिदो



कक्राझार, 6 फेब्रुवारी: "बिमाफोरनो जाबाय फरायसुला-
फरायसुलि, फिसा, गथ'साफोरनि गुरु। दिनेनि गथ'साया गाबोननि
हादतनि नोगोरारि। बिसोर गथ'साफोर गाबोन हादतनि गोनांथार
बिबान आजावना लागोन। बेनि थाखायनो गथ'साफोरखो गोगो-
गोखो खालामनायनि बिबानआ बिमाफोरनि गेजेरावबो दड।" -
बेबायदि बिबुंथिखौ कक्राझार जिल्लानि लेडाइ पुलिस बिबानगिरि
नबनीता शर्माआ होदो। कक्राझार शंकरदेब शिशु बिद्या निकेटननि
दिने 21 थि गायसन्थाय सानखौ (□ 5 बिलाइआव)

दांदुपुर हाजोआव हाजो गाखोनायनि फोरेंथाइ होनाया जोबलांबाय

कक्राझार, 6 फेब्रुवारी:
बिटिआर सरकारनि गेलेमु आरो
लाइमोन अन्साइ बिफाननि
बान्जायनायाव सानबानि
हाबाफारिजो हाजो गाखोनायनि
फोरेंथाइ होनाय हाबाफारिया
जाफुसार महरै जोब्याय। बे हाजो
गाखोनायनि फोरेंथाइ होनाय
हाबाफारिया कक्राझार सहरनि
खोला फासै थानाय दांदुपुर
हाजोआव थानाय 2
फेब्रुवारीनिफ्राय जागायदोमोन
आरो दिने 6 फेब्रुवारीयाव
जोबलाडो। बे फोरेंथाइ
बादायाव हाजो गाखोनायनि



सोलोंथाइ लानो थाखाय
बिटिआरनि गुबुन गुबुन
जिल्लानिफ्राय खमैबो सा 40
नि बांसिन सोलोसाफोर बाहागो
लाफैनाइ हाजो गाखोनायनि
सोलोंथाइ लाफैदो। सानबानाडे
सोलिनाय बे फोरेंथाइ बादायाव
हाजो गाखोनायनि गोबां
कौशलफोर जैरे- रक क्लाइम्बि
(अन्थाइ गाखोनाय), रेफेलि,
सिमने क्लाइम्बि, जुमार
(□ 5 बिलाइआव)

दतमानि हारिमु फोथाराव बनसुनि सेथि बोसोरसालिया जथुम्माया सोलिगासिनो



कक्राझार, 6 फेब्रुवारी: आलादा बड' लेन्ड रइज्यो
सोरजिनायनि थांखिजो जोनोम होना बर' माहारियायि फरायसा
आफाद एवा बनसुनि सेथि बोसोर सालिया जथुम्माया
सोलिगासिनो। कक्राझार जिल्लानि सिडाव थानाय दतमानि
हारिमु फोथाराव 6 आरो 7 फेब्रुवारी, 2023 अक्टखालि साननेनि
हाबाफारिजो खुंफुनो लानाय बनसुनि सेथि बोसोरसालिया
जथुम्मानि गिबि साननि हाबाफारि बायदियै दिने पुंफिलि समाव
गाहाइ हाबग्रा गेट बेखेवनाय, (□ 5 बिलाइआव)

सुजुगिरिनि खोलोम

गोर्ले बैसोनि जुलि आरो फेग्रा मुवा होबथानाय

सुबुं आरो समाजनि मोजानि थाखाय खुंथाया मोनसेनि उनाव गुबुन मोनसे सुबुं अन्सायारि हाबाफारि लानायखौ जों बयबो मिबथिगो। राइज्योयाव गोबां अन्सायारि बिथांखिफोर आजवाननै सुबुंफोर जौगानायनि थाखाय हाबा मावनाय जायो। बेफोर बिथांखिफोरनि गेजेरजों समाजनि निखावरि नख'रनिफ्राय लानानै राइ-दुखि जौगाखानायनि बाइदिसिना हाबाफारिजों अन्सायारि हाबा मावनाय बादिनो राइज्योयाव आइनिन बरेखायै थानानै उन्दै बैसोनि हिन्जावसा जुलि लानाय हावाफोर एबा फिसाइफोरनि हेंथायै गोखों राहाफारि लानायखौबो नुनो मोन्नाय जादों। इयुन समाजनि मोजानि थाखाय मावनो लानाय बे थांखिनि गेजेरजों दासान्दि राइज्योनाडै नो मोनसे फोरमायस'नो हायै बादि थासारि सोमजिनायखौबो नुनो मोन्नाय जादों। खुंथायनि बे थांखिनि हेंथायै राइज्योनि दाब दाब जायगाफोरव हमजानाय दायनिगिरिफोरखौ हगारफिनो आरो हाबाफारिनि बरेखायै थानाफोरव हेंथा खुद्रिखानाया मोनसे गोदान महरनि सोमावसारनायनिबो जारिमिन सोरजिनो हमदों। मानोना बेनि सिगां उन्दै बैसोनि हिन्जावसाखौ आइन बरेखा थानानै जुलि लानायनि दायनिगिरि जानानै हमजानाय गोबांथार फिसाइफोरखौ हगारनानै हरफिन्यायनि आइजोफोर सोमावसारनाय बिब्दि नुथाय नुनो मोन्नाय जायामोन। आइजो समाजनि थाखाय बेबो मोनसे सोल्लोनों गोनां जाथाय महरै नुजाफेदों आरो सांग्रानि जानायनि बिबानजों लोगोसे सभबो सौफेदों समाजनि खहा गोनां बेफोर आइन बरेखा हाबाफोरखौ होबथानायनि। बे सोलिफु जाथाय-फिनजाथायनि दोहोया हादतनाडै नो गोसारनो हमदों। राजखान्थिगिरिनिफ्राय लानानै बाइदिसिना थाखोनि दैदेनगिरि, सुबुंफोरनि गेजेरवबो बेनि मोजां-गात्रिनि बागै सावरयनायखौ नुनो मोन्नाय जादों। गोबाडनो बेनि हेंथायै गसंनो नाजादों आरो गोबांखौनो आइन बरेखा बे जाथायनि हेंथायै लानाय राहाफारिखौ मदत होनाय आरो बाखायनायखौबो नुनो मोन्नाय जादों। उन्दै बैसोनि जुलि लागा हावा एबा फिसाइफोरनि हेंथायै गोखों राहा लानाय बादिनो समाजनि थाखाय गानो रोडै बेरामफोर बादि गिखंथाव महर लानाय आइन बरेखा ड्रागसफोरबादि मुवानि सायावबो राहा लानानै गोरोन्थि लामाजों आगान सुरनो थांहांनाय, जाखांबोनाय लाइमोन हान्जाफोरखौ रेखा खालामनो लामा ओंखारगौ। फेग्रा मुवा ड्रागसनि बेंखनाव गोलेनानै समाजनि लाइमोन सुबुंधोनया गेजेर ससेयावनो इयुन थांखिनिफ्राय गोजान जालानानै खोमसि लामाजों आगान सुरनाडा बेनि थाखायबो राहा लानायनि सम सौफेबाय।

दिनैनि फान्जामुधि

राशि बाइदियै मुनि गिबि हांखो

मेघ : अल बुध : ऊब (उ ए इ) मिथुन : क छ (ड ष) कर्कट : ड ह सिंह : म ट कन्या : प ठ (ण ष) तुला : त र बृश्चक : ब न धनु : ध भ (ङ फ) मकर : ख ज कुम्भ : ग श (स) मीन : द च (ख ज झ)

- मेघ:** मानिबा आसा खालामनाय दड'बा मोनफुंनो हागौ। गोजोन्नाय मोनगोन। मोजां सम।
- बुध:** जेखियानो जाया रंजा-बाजा खालामनो हागोन। दिनैनि सानआ गहाम सान।
- मिथुन:** मानिबा जाहोनाव दिनैनि दिनआव खस्थ' मोन्नांनो हागौ। गोसो हमथानानै सोलिनांगोन।
- कर्कट:** माबाफोर मुवा-बेसाद ख'हा जानो हागौ। गोसोखौ गात्रि मोनखानो हागौ।
- सिंह:** जेखि मावा फालांगिआव रंनि मुलाम्फा मोन्नो हागोन। गोजोन्नाय मोनगोन। मोजां सान।
- कन्या:** लोको-दिगि जालायनायनि सोमोन्दोआ बांगोन। गोजोनें सम बारहोहरोनो हागोन। मोजां सान।
- तुला:** गोसोआ रवनिबो अन्नाय खालामनो गोसो जाये जागोन। गोजोनें सम बारहोनो हागोन।
- बृश्चक:** आंगोनि नख'रजों गोरोब लायनानै थानो हागोन। फारफोमथिबो मोजां।
- धनु:** माखौबा लानानै गोसोआव गोजोन्नाय गैये सोमजिनो हागौ। जेखि- जाया गोसोखौ हमथा।
- मकर:** बेराम-आजर थानायफोर सांग्रानै जानानै थानांगोन। डाक्टरनि बोसोन मानिनांगोन।
- कुम्भ:** बवेबा गोजान जायगायाव दावबायहैनो मोन्नो हागौ। गोसोखौ गोजोन मोनगोन।
- मीन:** मोजां मोनलायनायनि गेजेरव अन्नाय होनाया बांहोन। सोमोन्दो थानाया गोरा जागोन।

बालादेशआव फिन गं 14 हिन्दु मन्दिरफोरखौ ख'हा खालामदों

ढाका, 6 फेब्रुवारी : सोनाब-सा सोनाब बंगआव सिनाय मोनै दुथांफोर लान्थियै गार्लोबना गं 14 हिन्दु मन्दिरफोरव बुफाय-बुसि खालामो। पुलिसआ रबिबारव बे खौरांखौ होदों। फार्सेथि ठाकुर गावनि बलियाडांगि उपजिलेआव थानाय सासे हिन्दु दैदेनगिरि बिद्यानाथ बर्मनआ बुंदों दुथांफोर हरनि खाबु लानानै बे खामानिखौ मावदों। बिसेरो गुबुन गुबुन मोन 3 ओन्सोलफोरव गं 14 मन्दिरफोरनि मुसुखाखौ ख'हा खालामदों। उपजिलेनि फुजा फोरबो आफादिनि गाहाइ नेहाथारि बर्मनआ माखासे मुसुखाफोरखौ बुफाय बुसि खालामनाय आरो मन्दिरनि साखाथियाव थानाय फुखियाव माखासे मुसुखाखौ मोन्दों होन्नाबो फोरमायदों। बिथाडा गोखों नायबिजिरनानै दायनिगिरि आरो मिरुआरि परिषदनि आफादिगिरि समर चेटजीआ बुंदों बे ओन्सोलखौ जेब्लायबो गावजों गाव हेफाजाब होज्लायनायनि



थाखाय सिनायथि जायो, मानोना बेयाव बेबायदि जाथाइआ माक्लाबाबो जायखैमोन। बिथाड बुनाय बायदिब्ला, बै ओन्सोलाव मुस्लिम आरो हिन्दुफोरनि गेजेरवबो जेबो रोखोमनि जेना एबा दावराव दावसि गैया। अदेबानि सोर बिब्दि अगेन खामानि मावखो आरो दायनिगिरिया सोर जाथावथाव बेखो बुजिस 'नो हायाखै। बलियाडांगि पुलिस थानानि बिबानगिरि खेरुल अनामआ मिथि होनाय बायदिब्ला, शनिबार आरो रबिबारनि हरआव गुबुन गुबुन गामियाव हिन्दु मन्दिरनि मुसुखाखौ ख'हा खालामनाय जाथाइआ नुजाथिदों। बेयो रोखायै हादतनि गोजोन थासारिखौ सिमफायनो थाखाय खैसार सानानै बेबायदि खालामदों होन्ना हमदोंजाथाव। जाय बे बायदि खामानिखौ मावदों बिखो गोखोडै संदाना दिहुन्नो आरो बिनि सायाव आयेननि गेजेरजों साजा होगोन होन्नाबो बुडो।

बोथोर बिफाना बोथोरनि सायाव गोदान आपडेट होदों

गोदान दिल्ली, 6 फेब्रुवारी : बोथोर बिफाननि बायदिब्ला 6 फेब्रुवारीखालि दिल्लीयाव मिनिमाम बिदुंआ 10 डिग्रि सेल्सियास आरो मेक्सिमाम बिदुंआ 27 डिग्रि सेल्सियास जागोननि सन्देह' दड। रबिबारखालि दिल्लीनि मेक्सिमाम बिदुंआ 25.7 डिग्रि सेल्सियास आरो मिनिमाम बिदुंआ 9.08 डिग्रि सेल्सियास जादोंमोन। 6 फेब्रुवारीआव विन्ड स्पिडआ घन्टाफोमबो 8 किलोमिटर जानो हागौ। 6 फेब्रुवारीआव दिल्लीनि अखांआ स्राडै थागोन। दिल्ली-एनसिआरआव अखा हागोननि जेबो सन्देह' गैया। फारसेथि पान्जाब आरो उत्तरखान्दिनि माखासे ओन्सोलफोरव



रोजा खुवा खुनो हागौ। दिल्ली-नएडयाव बारहावाया गात्रि जागोन। दिल्लीनि अभासरअल एयार क्वालिटी इन्डेक्सआ 218 जादोंमोन, जायखौ गात्रि थासारि महरै हमदाडो। दिल्ली एनसिआरनि पुसायाव एकिउआइ 225, डिडउआव 232, मथुरा रडआव 266, नएडयाव 259, धीरपुरआव 280 आरो गुरुग्रामआव 193 जादों। दिल्लीयाव आथिखालाव सरसनसा सानुं दुंदों। फारसेथि गुसु बारहावा बारनायनि जाहोनाव गुसुखौबो हमदादों। फैनो गोनां 9 फेब्रुवारीसिमाव दिल्लीयाव अखांआ स्राडै थानायनि सन्देह' दड। बोथोर बिफाननि बायदिब्ला फेब्रुवारीआव सा-सोनाब भारतनि माखासे ओन्सोलफोरव सरसनसा अखा हानो हागौ। हादतनि सान्जा बाहागोनि अनगयै भारतनि बांसिन बाहागोफोरव मिनिमाम बिदुंआ सरसनसायै थानायनि सन्देह' दड। फैनो गोनां सानफोरव दिल्ली आरो खाथि-खाला ओन्सोलफोरव मेक्सिमाम बिदुंआ 25-28 डिग्रि सेल्सियास जानो हागौ। फारसेथि जम्मु-काश्मीरनि बाधाखौ बुडोब्ला हायेनारि माखासे ओन्सोलाव अखा हादों। माखासे जायगायाव हरनि समाव बिदुंआ 0 डिग्रि सेल्सियासनि गाहायाव थाडो।

मबाइल टावर, दालानि उनाव बिहारआव 2 कि:मि: रेलवे ट्रेक खावनानै लांदों

पाठना, 6 फेब्रुवारी: बिहारआव मबाइल टावर आरो दालां बायदिखौ सिखाव खावनायनि उनाव रेल लाइनखौबो खावनानै लांनय जाथाया नुजाथिदों। बे जाथाया मदुबनीनि पान्दौल थानानि सिडव थानाय लहातसिनीआव जादों। पान्दौल स्टेसननिफ्राय लहातमौलसिम गार्से 2 कि:मि: रेलवे ट्रेकखौ सिखावआ खावनानै लांदों। मीलआ बन्द जानायनि उनाव बे रेल लाइनजों मालगारि खारनाया बन्द जानानै दडमोन। हरनि खाबु लानानै सिखावफोर कौटि-कौटि बेसेननि रेल लाइनखौ खावनानै लाडो। मख'जाथावदि, बे जाथाया थांनय 24 जानुवारीआवनो जादोंमोन। नायबिजिरनायनि गेजेरजों बे सिखाव खावनाय जाथायाव माखासे रेलवे पुलिस



बिबानगिरिफोरनि आखाइ थानाया सोराडव फेदों। 24 जानुवारीनि फुखव जेब्ला माखासे सुबुंफोरा रेल लाइनआ गोमानायनि खौरां होदोंमोन अब्ला इंजारपुर स्टेसननि आरपिएफ बिबानगिरि आरो मदुबनी स्टेसननि रेलवे पुलिस बिबानगिरिखौ सारस्पेन खालामनाय जादों। बेनि उनाव केसखौ गोखोडै नायबिजिरनो थाखाय माखासे गागि बिबानगिरिफोरनि मोनसे हान्जा दानाय जायो। सारस्पेन खालामजानाय सानै बिबानगिरिआ बेनि सिगांनिफ्रायनो शुट्टि लानानै बे जा य ग ा र्नि फ ा य जायखारलांदोंमोन। सिखाव खावनानै लांनय रेलवे ट्रेकखौ सान्जा गेजेर रेलवेआ गोबां बोसोर सिगाडव बानायदोंमोन। नाथाय मीलआ बन्द जानायनि जाहोनाव बे रेल लाइनजों ट्रेन खारनाया बन्द जादोंमोन। बेनि जाहोनाव रेलवे ट्रेकखौ सोलिये महरै बली लगायनो गोनांमोन। नाथाय अक्सन होनायनि सिगांनो 2 कि:मि: गोलाव रेलवे ट्रेकआ गोमायो। आरपिएफ आरो रेलवे भिजिलेन्सनि हान्जाया बे केसखौ नायबिजिरगासिनो दड।

आसामनि डिब्रुगडआव सासे हिन्जावसाखौ जिनाहारि खालामनायनि दायव सानै सुबुंखौ ग्रेप्टार खालामदों

डिब्रुगड, 6 फेब्रुवारी : आसामनि डिब्रुगडआव रबिबारखालि सासे बैसो जायै हिन्जावसाखौ हान्जायारि जिनाहारि खालामनायनि दायव सानै सुबुंफोरखौ ग्रेप्टार खालामनाय जाबाय। पुलिसनि बायदिब्ला हिन्जावसाखौ हुस गैयै थासारियाव मोन्दों। डिब्रुगडनि एसपि श्वेतान्क मिश्राया फोरमायदोंदि, बे सानै दायनिगिरिफोरखौ भाइजान आलि आरो सपर आलिनि महरै सिनायथिदों। पुलिसआ फोरमायदोंदि, डिब्रुगडआव



14 बोसोरनि सासे आरो सपर आलिखौ हिन्जावसाखौ हान्जायारि जिनाहारि खालामनायनि दायव सानै सुबुंखौ ग्रेप्टार खालामदों। दायनिगिरि भाइजान आलि

मोन्दोंमोन। एसपिआ बेखौबो फोरमायदोंदि, दायनिगिरिफोरनि हेंथायै पक्स' एक्ट 2012 नि धारा 376 नि गेजेरजों नायबिजिरनाय जागोन। एसपिआ फोरमायबावनाय बायदिब्ला हिन्जावसानि आखाय आरो आइथिखौ दिरंजों खानानै दोन्दोंमोन आरो सन्देह' खालामनाय बायदिब्ला बिखौ हान्जायारि जिनाहारि खालामदोंमोन। बे हिन्जावसाया 3 फेब्रुवारीनिफ्राय गोमाना दडमोन।

चीन-ताइवाननि गेजेराव सोलिनाय जेंनानि गेजेरावनो ताइवाननि गागि दैदेनगिरिया चीनआव दावबायहैगोन

ताइपे, 6 फेब्रुवारी : ताइवाननि गाहाइ बरेखा दोलो कु अ'मिन्तां (केएमटि) नि सासे गागि दैदेनगिरिआ बे सप्ताहयाव चीनआव दावबायहैगोन। पाटिआ समबाराव मोनै हान्जानि गेजेराव जानाय सान्थि आरो राजखान्थि जेंनानि गेजेराव बे खौरांखौ होदों। चीनआ थांनय 3 बोसोरव ताइवाननि सायाव चीननि थांखिखौ गनायना लानो थाखाय नारसिन्थाय होदों, जेराव डेमक्रेसिनि महरै नेमखाथि बायदियै सान्थि हुदा खालामनाया



दंफादेरो। बरेखा दोलो केएमटिआ बुंदोंदि, लेडाइ हादतगिरि एन्ड्रयु हासियाआ बुधबाराव चीननि थाखाय ओंखारलांगोन ताइवान आरो चीननि गोजौ थाखोनि बे राजखान्थि दैदेनगिरिफोरनि गेजेराव मोनसे गोजौ थाखोनि बाथा सावरयनायाव चीननि ताइवान केसफोरनि हाबाफारिनि गोदानै थिसनजानाय गाहाइ सं ताअ'जों लोगो हमगोन जाय सोलिबाय थानाय दरनैबो हादतनि गेजेरनि जेंनाखौ नोजोर होदों।

भारतआ मुलुगनि नैथि बयनिखुइ देरसिन मबाइल फन दिहुनगा हादत जाबाय: गाहाइ मन्थि मदि

बंगलुरु, 6 फेब्रुवारी : गाहाइ मन्थि नरेन्द्र मदिआ 6 फेब्रुवारीयाव बंगलुरुआव इन्डिया एनार्जि वीक 2023 नि हाबाफारियाव इन्डियान अयेलनि गेजेरजों दिहुनगा सलार कुकि सिस्टेमनि टुन-कुकटप मडेलखी बेखेवदों । बे समाव गाहाइ मन्थिया बुंदोदि, बंगलुरु टेकनलजि, टेलेट आरो इनभेसन एनार्जिजों बुंफबनाय गंसे सहर । गाव बायदिनो गुनुनाबो बेवहायनि एनार्जिखी हमदांनो हागोन । इन्डिया एनार्जि विक-2023 आ भारतनि जि-20 नि बिबान सामलायनायाव गिबि देरसिन हाबाफारि जादों । कौटि कौटि



सुबुंफोरा निखाउरिनफ्राय ओंखाबोनानै गेजेर थाखोआव फेदों । भारतआ मुलुगनि नैथि बयनिखुइ देरसिन मबाइल फन बानायग्रा जानो हाबाय । गाहाइ मन्थिया बुंबावदोंदि, भारतनियाव 4 थि बयनिखुइ देरसिन गोथां थावखी सोदांनो हानायनि गोहो दड । भारतआ गावनि रिफाईनिनि गोहोखी बोसोरफोमबो 25 कौटि टन बांहोनानै बोसोरफोमबो 45 कौटि टन खालामनायाव हाबाफारि मावदों । भारतनि गेस पाइपलाइन नेटवार्कआ फे गो 4-5 बोसोराव 22,000 किल 'मिटारनिफ्राय बांहोनानै 35,000 किल 'मिटाराव थाहैगोन । गाहाइ मन्थि नरेन्द्र आ बुंबावदों 21 थि जौथाइनि इयुनखी थि खालामनायाव इनार्जिआ गिदिर बिहोमा दड ।

गोदान दिल्ली, 6 फेब्रुवारी : आइनि मन्थि किरण रिजिजुआ राजखान्थिजों लोब्बा थानाय उकिलफोरनि बिजिरगिरि जानायनि सान्नायखी हेफाजाब होदों । बिथानि बे बाथाया बावैसो सिगाडाव सुप्रिम कर्टआव कलेजियामनि अजद होनायफोरखी लानानै बे आयदायाव जर'खा सावरायखानायनि उनाव सोयडाव फेदों । मन्थि रिजिजुआ रबिबाराव सुप्रिम कर्टनि उकिल आरो बारग'राज्यो बेगिरि स्वराज कौसलनि मोनसे टुइटखी रिटुइट खालामदों । कौसलआ गावनि पस्टआव लिंदोदि, सिगाडाव राजखान्थियारि दोलोफोरखी थान्दे महैरै दैदेनगा संसदनि सोद्रोमाफोरखी हाइकर्टनि बिजिरगिरि महैरै सायख'खानाय जादोंमोन । बिजिरगिरि के एस हेगड़े आरो बहारुल इस्लामखी



कंग्रेसनि एमपि जाबाय थानाय समावोनो हाइकर्टनि बिजिरगिरि बानायनाय जादोंमोन । बिजिरगिरि भिआर कृष्णा आय्यारआ केरेलानि केबिनेट मन्थि मोन । माखासे सान सिगाडाव कौसलआ गावनि पस्टआव लिंदावदोंमोनदि, जेब्बा नौथाड मासिनि समाय-खिरा लायो अब्बा बिजोंनो सरजाबनानै थानांगौ जायो । बिथाड गावनि टुइटों मोनसे खीरांखीबो टेग खालामना होदों, जेराव फोरमायनाय जादोंदि, माद्रास हाइकर्टनि

उकिलफोरो सुप्रिम कर्ट कलेजियामनिफ्राय बिक्टरिया गौरिखी बिबाननिफ्राय बोखलायनायनि बिथांथिखी बोखाना लानांगौ । बेयाव बुंनाय जादोंमोनदि, गौरिया बिजेपिजों सोमोन्दो दड आरो हाइकर्टनि बिजिरगिरि महैरै बियो एसेल' सुबुं अन्जिमाफोरनि सायाव राजखान्थियारि नोजेरै लोब्बा थानाय मोन्दांथिनो हागौ । रिपर्टनि बायदिबला उकिलफोरनि मोनसे हान्जाय बिनि बिजिरगिरि जानायखी हेफाजाबबो खालामदों । मानोन

वियो गोबां नाजाथाबना हाबा मावो आरो गावनि खामानिनि फारसे बिबानखी गाहामे मावफुओ । मख 'जाथावदि, माद्रास हाइकर्टनि बिजिरगिरि महैरै बिक्टरिया गौरिनि मुखी थानाय दानाव सुप्रिम कर्ट कलेजियामनि । बिनि गेजेरावोनो कर्टआ सिक्कीमनि नेपालिफोरखी गिदिर बिबान होनायनि राइज्योआव सोलिबाय थानाय धर्नानि गेजेराव आइनि मन्थि रिजिजुआ बुंदोदि, राज्ज्यो सरकारखी हेफाजाब होनो थाखाय मिरु सरकारा बे के सखी लानानै सुप्रिम कर्टआव गांसे फिन सावरायनायनि आर'जलाइ गथाइगोन । बे बिथिडाव राज्ज्यो सरकार सिगाडावोनो सावरायफिन्नांगौ होन्ना आर'जलाइ गथाइखांवाय ।

हादतनाडै मोन 74 मुलिफोरनि बेसेना बांदों



गोदान दिल्ली, 6 फेब्रुवारी : हिमाचलआव मुलिन बेसेना बांदों । एनपिपिएआ हादतनाडै गासै 74 मुलिफोरनि बेसेनखी सोलायदों । 56 मुलिफोरनि बेसेनफोर एबा 18 मुलिफोरनि मेक्सिमाम खुसा बेसेनफोरखी थि खालामदों । बेबायदिथाव आथिखालाव बिखानि बेराम, एलाजि, केन्सार, आल्सार,

माइग्रेन, गगा मोन्नाय, गुजुनाय, लोमजानाय, एन्टि बायटिक फोरजों लोगोसे इन्फेक्सनफोरनि मुलिफोर एबा इन्जेक्सन बायदिनि मुलिन बेसेनखी बांहोदों । बेनि सोमोन्दोआव जर'खा खीरांफोरखी फोसावनाय जादों । एनपिपिएलनि लेडाइ बिथोनगिरि महाबिर सेणिआ

जर'खा खीरां फोसावनानै बुंदोदि, 74 मुलिफोरनि बेसेनफोराव सोलायनाय जादों । मुलिन नेमखान्थि दाग्राफोरा बेसेनफोराव सोलायनायखी 2013 नि बिथोननि गेजेरजों फोसावदों । माखासे मुलिन खुसा बेसेना बांसिन जादों । मख 'नो गोनादि, डिपिसिआ 2013 नि गेजेरजों सेथि फारिलाइआव थाफानाय गोनांथार मुलिफोरनि मेक्सिमाम गुणखी अरिदिआ थि खालामो । जाय मुलिफोरा सामलायनायनि गेजेरजों जाया बैफोरनि बानायनायखी बोसोरफोमबो 10 जौखोन्दो खुसा बेसेनफोराव बांहोनो गनायथि होयो ।

बेरेखा दोलोफोरनि दावराव-दावसिनि जाहोनाव मोन्नेबो सदनि हाबाफारिखी दोन्थ'नादों

गोदान दिल्ली, 6 फेब्रुवारी: संसदनि बाजेट जथुम्मायाव दिनेबो दावराव-दावसि जानायखी नुनो मोन्दों । हा बा फ र अ आ जागायजेन्यायनिफ्रायनो बेरेखा दोलोफोरा गोबां दावराव-दावसि खालामनायनि जाहोनाव लकसभा आरो राज्ज्यो सभा गनैबो सदनि हाबाफारिखी दोन्थ'नाडो । आथिखालाव नुजाथिनाय हादरनि गुबुन गुबुन आयदाफोरखी लानानै बेरेखा दोलोफोरा संसदआव मिरु सरकाखी बेंखन्दों । संसदआव बेरेखा दोलोनि दैदेनगिरि मालिकार्जुन खड्गेनि सेम्बारआव बेरेखा दोलोफोरा गोबां आयदाफोरखी लानानै सोलोखान्थि खालामनायनि थांखिजों बिथांखी लोगो हमदों । बे समाव कंग्रेस, डिएमके, एनसिपि, बिआरएस, जेडिडि, एसपि, सिपिएम, सिपिआइ, केरेला कंग्रेस, जे एनएम, आरएलडि, आरएसपि, आप, आइइएमएल, आरजेडि आरो शिवसेनायाबो दंफायो । बेनि



सिगां सानआवबो गनैबो सदनि हाबाफारिआ बेरेखा दोलोफोरनि गोखों दावराव खालामनायाव माखासे सम दोन्थ'जादों । बेरेखा दोलोफोरा जथुमै सावरायनायनि उनाव संसदआव थानाय महात्मा गान्धीनि मुसुखा सेराव धर्नाबो होदों । शिवसेनानि एमपि सन्जय रवतआ बुंदोदि, हादरआव गोबां केसफोरा सोराडव फेदों । बेखी

लानानै गासैबो बेरेखा दोलोफोरा जुथायै सावरावदों । सरकारआ

जेब्बासिम बेनि फिन्नायखी होया आरो बे केसआव जइन्ट

पार्लियामेन्टारि कमिटीनि जाय दाबि दैखानाय बेयो सोलिबाय थागोन । फारसेथि कंग्रेसनि एमपि मनिष तिवारीआ चीनजों सोलिबाय थानाय सिमनानि थासारनि सायाव सावरावोनो थाखाय लकसभायाव दोन्थ'नाय बिथांखिनि नटिस फोसावदों । गुबुन फारसेथि कंग्रेसनि एमपि डू सैयद नासिर हुसेइना 267 दफानि गेजेरजों एलआइसि, एसबिआइ, प्राइमेट बैंक आरो गुबुन रंखाथि फंसथानफोराव इन्भेस्ट खालामनायाव गोनाखान्थि नुजाथिनाय आयदानि सायाव सावरावोनो थाखाय राज्ज्यो सभायाव सायसेसन अफ बिजनेस नटिस होदों ।

हा गिसिखानानै हिमाचल प्रदेशआव सानै जिउ गोमादों

शिमाला, 6 फेब्रुवारी: हिमाचल प्रदेशनि लाहौल स्पीति जिल्लानि लाहौल अनुमंडलआव रबिबार मोनाबिलि समाव गिदिर हा गिसिखानाय सोमजिदों, जायनि बेंखआव गोर्लैना सिमा लामा आफाद (बिआरअ)नि सानै लेबाफोरा जिउ गोमायो आरो गुबुन सासेआ गोमाना दड । बाडइ बिदुं आरो ल'भिजिबिलिटि एबा सिगांनि जान्थाइखी मोजाडे नुनो मोनैनि जाहोनाव सासे गोमानाय सुबुंखी नागिन्यायनि अभियानखी गोबां घन्टासिम सोलिहोदोंब्लाबो संदाना मोनाखै । फारसेथि बोथोर गात्रि जानायनि थाखाय



अभियानखी दोन्थनाडो । जिउ गोमानायफोरखी राम बुद्ध आरो राकेश होन्ना मिथिनो मोन्दों आरो गोमानाय सुबुंनि मुखी पसां छेरि लामा होन्ना खीरां मोन्नाय जादों । इमारजेन्सि अपारेसन सेन्टारआ हा गिसिखानायनि अखानायै दिनें समबाराव गोमानाय

सुबुंखी नायगिरनायनि अभियानआ सोलिफिन्नायखी मिथिहोदों । स्टेट इमारजेन्सि सेन्टारनिफ्राय फोरमायनाय बायदिबला, रबिबानि बेलासि 3 रिगासो समाव लाहौल आरो स्पीति जिल्लानि चिकानि साखाथियाव हा गिसिखानाय जाथाइया जादों ।

रेलवे फोसावथाइ

नं. सि/407/एपि/हाल्ट/भिडिजि अक्ट. 02-02-2023 । सेनियर डिभिजनेल कर्मासिपुल मेनेजर, एन.एफ. रेलवे, आलिपुरदुवार जंसन, पिन: 736123, भारतनि हादरगिरिनि जानो कर्मिसन हिसाबे बेलगुरि स्टेसननि थाखाय डिक्ट फान्नायनि थिकानि थाखाय गोसो युंदि बिजाथिफोरनिफ्राय आर'ज बिलाइ हांखावदों । जायथि-जाया गोसो युंदि हारोथानानो बिजाथिफोर बाहागो लानो थाखाय आर'ज बिलाइखी बेसेन होनाड लासे शनिवार, रबिबार आरो बुन्द साननि अनगायै 10-02-2023 निफ्राय 04-03-2023 सिम फुबिलि 10:00 रिमनिफ्राय 17:00 रिमनिफ्राय मावखुलिनि समाव सेनियर डिभिजनेल कर्मासिपुल मेनेजर मावखुलि, आलिपुरदुवार जंसननिफ्राय मोनो हागोन । आर'ज बिलाइखी वेतागुरि हाल्ट स्टेसननि थाखाय आर'ज बिलाइ बाकसुआव जमा होनागोन, जायखी एफिस्टेन्ट कर्मासिपुल मेनेजर (आइ), आलिपुरदुवार जंसन, एन.एफ. रेलवेनि सेन्ना(आव) दोनाय जागोन । आर'ज बिलाइखी सेनियर डिभिजनेल कर्मासिपुल मेनेजर, एन.एफ. रेलवे, आलिपुरदुवार जंसन थिआव 06-03-2023 नि 15:00 रिमनिफ्राय आजावगोन, आर'ज बिलाइ आजावगाया 06-03-2023 नि 16:00 रिमनिफ्राय आजावगोन । हारोथानि क्राइटीया, गुबुन नेमखान्थि आरो सार्थफोर आरो सुबुंन, आर'ज बिलाइ फर्मट बायदिखी वेबसाइट नं. www.nfr.indianrailways.gov.in वेबसाइटनिफ्राय डाउनलड खालामनो हागोन ।

सेनियर डिपिएम, आलिपुरदुवार डिभिजन

सा-सान्जा सिमना रेलवे

किलिस्लानायजों वाटकफोरनि सिबियाइ

तामुलपुराव ब्रैथि एसिया ख'-ख' बादायलायनाय खुंगोन

तामुलपुर, 6 फेब्रुवारी: ख'-ख' फेडरेसन अफ इन्डिया आरो आसाम ख'-ख' आफादिनि हेफाजाबाव आरो तामुलपुर जिल्ला गेलेमु आफादिनि खुंनायाव तामुलपुर गोर्जोसिन गेजेरारि फ्रायसालिनि गेलेमु फोथाराव फेगो 16, 17, 18 आरो 19 मार्चआव खुंजानो गोनां 4 थि एसिया ख'-ख' (हौवा-आइजो) बादायलायनायनि बान्जाय आफाद दाफुन्यायनि मेल खुंनाय जायो । तामुलपुर जिल्ला गेलेमु आफादिनि आफादिगिरि देबेन बर'नि आफादिगिरि मासि सामलायनायाव खुंफुनाय मेलयाव तामुलपुर बियाबनि



एमएलए जलेन हैमारिखी आफादिगिरि, बिटिसिनि बारा' मावफुं सोद्रोमा देबेन बर'खी मावफुं आफादिगिरि आरो बिक्टर कुमार दास आरो जितेन मुसाहारिमोनखी जुथाय नेहाथारि महैरै लाना मोनसे गोखोंथार

बान्जाय आफाद दाफुनाय जायो । मेलयाव आसाम ख'-ख' आफादिनि मासिगिरि आरो बिटिआरनि गाहाइ मावफुं सोद्रोमा प्रमद बर', आसाम ख'-ख' आफादिनि आफादिगिरि राजिव प्रकाश बरुवा, मावफुं आफादिगिरि राजेश बर', गाहाइ नेहाथारि गबिन्द चन्द्र कलिता, रंगिरि मनज तालुकदार, देखो रोजाबगिरि डू संगिता काकति, तामुलपुरनि एमएलए जलेन हैमारि बिटिआरनि एमसिएलए बिजित गोरा नार्जारी, सायख'जानाय एमसिएलए हेमन्त कुमार राभा, बिटिआरनि गेलेमु बिफाननि सिइसिडि सोमदोन मुसाहारि, बाक्सा जिल्ला गेलेमु आफादिनि बिबानगिरि देबेग' महिलारीमोननि अनगायैबो ओन्सोलेनि राइजो-राजाफोरा बाहागो लाफैयो । मख 'नो गोनांदि, बे बादायलायनायाव एसिया हादतमानि दर 13 हादतनि 200 निखुइबो बांसिन होवा-आइजो हान्जाफोरा बाहागो लाफैगोन होन्नायै सुलुडाव फोसायदों ।

TECH-17/SE(B)/E-Tender/2021-22/09, Dated Kokrajhar the 06-02-2023
Tender No. 605 of 2022-23
PRESS NOTICE

The Superintending Engineer PWD Kokrajhar Building Circle, Kokrajhar on behalf of the Governor of Assam invites bids from approved and eligible Contractors Registered with Public Works Department (Building), Assam/ Contractors registered with Bodoland Territorial Council in the category of Class-I (A,B & C) & Class-II for the 1 (one) No of scheme/work for bids amounting to Rs. 62,71,440.00 (Rupees Sixty Two Lakh Seventy One Thousand Four Hundred Forty) only.

Details may be seen at website <http://assamtenders.gov.in> and also in the office of the undersigned during office hours.

Sd/-
Superintending Engineer,
P.W.D. Kokrajhar Building Circle,
Kokrajhar.

IPR(BTC)-1070/2022

No.B/PJD/e-tender/2022-23/2347-52, Dated Suparighat the 06/02/2023
Tender No. 101 of 2022-23
PRESS NOTICE

The Divisional Forest Officer, Parbatjhora Division, Suparighat on behalf of Governor of Assam invites bids from approved and eligible Contractors registered with Public Works Department (Roads), Assam / Contractors registered with Bodoland Territorial Council in the category of Class-I (A, B & C) and Class-II for the 1 (One) No. of schemes/works for bids amounting to Rs. 34,00,000.00 (approx) (Rupees Thirty Four Lakhs) only.

The details may be seen at the website <http://assamtenders.gov.in> and also in the Office of the undersigned during Office hours.

Sd/-
Divisional Forest Officer,
Parbatjhora Division, Suparighat

IPR(BTC)-1076/2022

SHORT NOTICE INVITING TENDER

Sealed tender affixing a non-refundable court fee stamp of Rs. 8.25 (Rupees Eight & Twenty Five) only with a validity period of 180 days, which will subsequently to be converted and drawn up in the printed form of F-2 form are invited from registered Contractors of Class II and Class I (A,B & C) category of Assam PWD (Roads & Building) and BTC, according to their eligibility for submitting tenders for the works under 15th Finance Commission (Tied Grant) as stated below. The tender will be received by the undersigned upto 1:00 pm of 28th February-2023 and will be opened on the same date & place at 1-30 PM.

Sl. No.	Name of Work	Tender Amount (Approx)	Cost. Of Tender Paper	Time of Completion of Work
1.	Const of Community Toilet at No.3 Dhanshree ME School.	11,00,000.00	Rs. 330.00	3 months from the date of issue of FWO

Detailed N.I.T. may be seen in all working days during office hours in the office of the undersigned. Tender will be issued to the contractors or their authorized agents on 07 February-2023 in the office of the undersigned on payment in the form of Demand Draft/Banker's Cheque from any Nationalized Bank, duly pledged in favour of the Principal Secretary, BTC, Kokrajhar, payable at Kokrajhar. The contractors should submit attested copy of latest Registration Certificate, latest clearance certificate of Income Tax PAN Card, GST alongwith the tenders. In case the office remains closed on tender issuing/receiving/opening date the same will be issued/received/opened on the next working day. The successful tenderer has to submit 1% (one percent) (In case of SC/ST/OBC) and 2% (Two percent) (In case of General) as SD money against the work in the form of FDR/DCR from any nationalized Bank duly pledge to the Block Dev. Officer, Rowta Development Block, Rowta as mentioned above at the time of allotment of work. The B.T.C authority reserves the right of accepting tender or outright rejection of the same without assigning any reason thereof.

Sd/-
Block Development Officer,
Rowta Development Block

Memo No. RDB/RD/BTC.../15th Fin...2022-23/850
Dated: 04th February/2023

रेलवे ट्रेकफोराव लिरनानै होनाय साइनबर्डनि मिबथिनो गोनां माखासे सुंद' हांखोफोर

जॉनि गेजेराव बांसिनआनो गोजान जायगासिम थानो थाखाय ट्रेनजों दावबायो। ट्रेनजों दावबायनाय समाव एबा ट्रेन स्टेसनफोराव थानाय समाव जों गोबां रोखोमनि साइनबर्ड होनायफोरखौं नुनो मोनो। बेफोराव गोबां दिन्थि सिनफोरनि गेजेरजों गोनांथार बाश्नाफोरखौं फोरमायनाय थायो। बिबिदो रेलवे ट्रेकआवबो गुबुन गुबुन गाव आरो हांखोजों बर्ड लिरनानै गुबुन गुबुन ऑंथि फोरमायो। रेलवे ट्रेकआव लिरनानै होनाय



माखासे दिन्थिसिन एबा हांखोफोरनि आबुं ऑंथिखौ मिबथिना लानाया जों बयनिबो थाखाय गोनांथार। बिनिनो माखासे जर'खा हांखोफोरनि ऑंथिखौ मिबथिना लानि फे। 1. डाब्लिउ एबा डाब्लिउ/एल: बेयो मोनसे हर्न होनायनि इसारा एबा दिन्थिसिन। रेलवे ट्रेकनि सेर सेरआव होनाय गोमो गाबनि बर्डआव डाब्लिउ एबा डाब्लिउ/एल लिरनायखौं जों नुनो मोनो। नाथाय बेनि ऑंथिखौ गोबांआनो मिबथिया। बेयाव होनाय डाब्लिउनि ऑंथिया जादों हुइसेल एबा हर्न आरो डाब्लिउ एलनि ऑंथिया जादों हुइसेल

फर लेभेल क्रसिं। थामहिनबा क्रसिंनि थाखाय सांघ्रांथि होनाय हर्न सोगाबनाय। सरसनस्रायै बेबायदि लिरनानै होनाय बर्डआ रेलवे क्रसिंनिफ्राय 250 मिटर गोजानाव होनाय थायो। 2. सि / फा : बेनि ऑंथियाबो मोनसे हर्न होनायनिनो सोदोब एबा इसारा। बेयो इंगजि हांखो डाब्लिउ/एलनिनो हिन्दि हांखोजों लिनाय रिंसार्थि। सि / फानि ऑंथिया जादों सिटि बजाओ आगे फाटक है, थामहिनबा बेल एबा हर्न दामदो सिगाडाव क्रसिं दं। 3. डाब्लिउ/बि : बेनि ऑंथिया जादों हुइसेल फर ब्रिज। थामहिनबा सिगाडाव दालां

मोनोसै हर्न दामदो। बेबायदि लिरनानै दोन्याय साइनबर्डखौं बबेबा दालां मोन्यायनि सिगां रेलवे ट्रेक सेराव होनाय नुनो मोनो। बे साइनबर्डखौं नुनानै लक पायलटआ हर्न सोगाबो। 4. टि/पि एबा टि/जि: टि हांखोजों बबेबा मुवाया जोबनायखौं फोरमायो। नाथाय रेलवे ट्रेकआव लिरनानै होनाय टि/पि साइनबर्डनि ऑंथिया जादों टर्मिनेशन अफ स्पिडस रेस्ट्रीकशन फर पेसेन्जार। बे साइनबर्डखौं ट्रेनिन स्पिडखौं लिमिड एबा सरसनस्रायै लाखिनो थाखाय होनाय जायो। मख'नो गोनांदि, गासैबो हादतआवनो रेलवे

ट्रेकफोराव एखे रोखोमनि साइनबर्ड थया। इउएस आरो काडानानि रेलवे ट्रेकआव डाब्लिउ लिरनाय थायो जायनि ऑंथिया हुइसेल एबा हर्न। बेनि अनगायै माखासे हादतफोराव डाब्लिउ एबा एक्स लिरनाय थायो, जायनि ऑंथिया जादों साउन्ड हुइसेल। फारसेथिं फ्रान्सआव बेबायदि बर्ड लिरनाया आलादा रोखोमनि। बेयाव गोसोम बर्डआव गुफुर गाबनि हांखोजों एस लिरनाय थायो, जायनि ऑंथिया साउन्ड। बेनि अगायै जे लिरनाय थायोब्ला बेनि ऑंथिया बे जायगायाव साननि समावल' हर्न दामनो हायो, हर्नि समाव नड।

गोर्बो सिंनि जारिमिन

-बिरगोदाउ

निजोम खोमसि मोनाविलियाव दिदोमै जिरायना दं आं हासिंडे रावबो गैया देरायाव आंनि खामसालियाव। आय' हाबाव।

मा सममोन बेयो ?

मानिफ्राय मा जालांखो ?

गोसोआव जाखोंफैयो आंहा

बै समनि जाथायफोरखौं-

गाबनाय, खालि गाबनाय आरो गाबनाय।

सोरबा बिमाया गाबदों फिसानि थाखाय

होदाउरि होदादरि आयलि-जायलि।

बिखा गेजेरनिफ्राय सिखनालांना-

दाय गैया फोदो गैया,

सिथारहैदों बबेबा खनायाव।

सोरबाया गाबदों गाबनि आंगोनि

गोमानायाव। बर'नि गामियाव अर जोंदों

अखां जोंक्लाउनाय ब्लाउ ब्लाउ ,

माय, दै, जि-जोम सना-रुफा,

न'खरनि गासैबो आंगो-

खामनानै सेवहांगार जालांबाय।

हाथफ्ला जालांबाय।

गासैनिबो मेगनाव मोदै र'र'

रावबो गैया आय होनाय।

बबाव थागोन, माखौं जागोन।

माखौं जोमगोन, जेनिबो अदिस गैया।

खालि गाबनाय आरो गाबनायाल'

बर'मानसिनि महर नुब्लानो

गोसोआव गिनाय।

बर'आनो बर'खौं गिनांन्याय।

गावजों गावनो एना-एनि जानाय

बेनि जानायखौं बै नायनो हाया

बैनि जानायखौं बे नायनो हाया

माबोरै बावनो हानो

बे जारिमिनखौं-

आंनि गोर्बो सिंनि।

बबे जारिमिनआव लिरगोन आं

बे जारिमिनखौं।

लिराब्ला गोमालांगोन,

लिरोब्लाबो नायफिन जानाय नड

बर'माहारिजोंसो ह

नों आंनिफ्राय गोजानाव

नों आंनि जिउन अनसुला रजे नाथाय नों मानो फेदिया नॉनि, थाखाय नों आं जाबाय फागिलि खुगायाव खदे मेगनाव मोदै जाबाय नॉनि थाखायनो आं, नाथाय आदि नोंखौं मोर्जा मोनदोमोन, नोंदि बेखौ मिथिया नाथाय नों आंनिफ्राय बेसेबांबा गोजानाव दं। नाथाय आंखौं मानो बावगार लांखो नों आंखौं, आं नोंखौं गोसो खाडैनो जाबाय आं फागिलि, नाथाय नों आंनिफ्राय नुजाफेयाखौं नों मानो अनसुला रजे।

थरायना जने मसाहारी तितागुरि

दोंबा लिमारिक

1 देबोर माबोर सैलिनि बेन्दों,- सौसिलांगोन अरायबो आं। नोंखौं लानानै बे सोमखोर मिथिगायाव- जुलिन थाखाय नाजाबाय थागोन नॉनि आंनि।

2 बेखार बुदां आंलाय आजोला। थांहा-फेहां सोलोन्याय लेका। गाजा गोमजा देल्दामांघ्रा, आंनि गुसथियाव नुसैल' जोमैनि उखुन्दै।

3 अनजालि महरा नॉनि फालि। दुखुनि मोदै बिखानि नों आंनि। आंनि थाइने मेगनिफ्राय बोहेनाय- मोदैखौं फुगारग्रा गांसे फालि नों अनजालि।

4 लेखायावबो जाया फरायावबो जाया, गले गले केबसेल' नड खेबथाम- फाइनाल होनानैबो फास खालामनो हाया। सानबायसो आं गोसो थोनायखौं दोनखारलानो।

5 बैसोआ आंनि गोर्बो सम, जाबायसो जुलिन हाबा। सांखि गैजारोड बांखि गैजारोड, आं राइजो जानो। जाबाय बे हिन्जावखौं लाना निखावरी।

र'नार्जारी

जिला- कक्राझार, बि टि सि (आसाम)

रंजालि गथ'फोरनि सौरा

बे हरगेजेराव

-मदन नार्जारी बाक्सा

सियालफोरनि रोनावनायजों गोजां बोथोरा आरोबाव राफोदसिन जादों..... जैरैथिबो साग्लोबना द निहोरनि गुफुरथि।

बेनि बेंखनथिनि गेजेराव रोहो-रोहो अरखिनि सोरगिदिं बेंनानै दड' गावबा-गावनि मोनसे जिउ थं गोमाजानाय दामोलसे सुबुं

बिसोर सासेआ सासेखो उन्दुलांहोनो नाजाबायदों खुगायाव मोनसे थार जारिमिनारि सल' आरो खहाबगोनं सल'बाथा ओंखारबोदों, गोफोन-गोफोन गेन्जि गाननाय गथ'साफोरनि थाखाय

गथ'साफोरा उन्दुलांबाय..... गोदो-गोदो बिमानि खावखलाबसे द'बासुरि खाखुलुमनानै। बिसोर सिमां जमदों जानांगो मेगन खेवनायनि एबा सिमां सिरिगारहोदों जानांगो सिमां थुखलायनो।

बे हरगेजेराव बिसोरखौं रावबो खाखुलुमनो खाबु होआब्लाबो खाखुलुमगोन दिखार गोनां जारिमिननि बिलाइफोर

बिसोर बेबादिनो हरखौं बारहोहरनो हागोन नामा बिबारबादि खुदियाफोरनि अखाफोर मोखाड गेवलांन्यायनि सिगां, जारिमिननि उनसंन्याय आथिखालनि थगैजायै मुं आरो गावबा-गावनि खारलुं सल'बाथा खिन्थानानै एबा सल'बाथा खोनासंनानै.....

गोसो थोनाय

मेगननि नोजोरा गोजान जाब्लाबो गोर्बो इंसिनि गुमुरखौं लाखोमानो सानब्लाबो; हाया स'ना, नों आनन्रायनो गोसो मेगनानो नुवावयो नोंखौंनो। हरबा गोलावनि दावयि-गोबा बाबेननाय, सोरानि अलंबारा जोथि-थि मोदानलायनाय, आरो दावज्जानि ग'ग' ग'गिरि ग' रादाव होब्लाबो; हाया स'ना- नागारनो हाया आंनि उल्लांलाय-फाल्लांलाय सानेनाय

गोसोनि पदायाव स'ना- रिथि-रिथि नोंजोंल' रायज्जालयनाय। जारो गुस्थिनि मिनिस्तु मिनिनाय दानाय बिलिरनाय सानेजों रायज्जालयनाय, बै निजोम बिलिफां बुब्लियाव- रंजानाय फोरबो हाबानि समाव खौंजरनि अन्नायखौं नोंनो होनायाव "रावजोंबो दाजासैदे" नोंनि बुंन्याय रावआ सिमां-मोकथां साया-माया मा गोमोथाव गोसो इंसिनि बे माया! मोकथां नडब्लाबो सिमां रायजोआव, बावनो सानब्लाबो मबेबा समाव; नुनो मोनाब्लाबो गोसो मेगनाव फेबायल' थाबावसै नों आरोबाव! स'ना नों सोर!

थारैनो नों अनाजोर ? नड माथोबो गोमजोर गोमजोर ?। स'ना नॉनि बे मा महिमा; सिमां-मोकथां दाबोनो साया-माया। थारैनो बेयो जौमोननि मुहिनाय ना बेखौंनो बुडे "गोसो थोनाय" ?

मुसि बिष्णु मुसाहारी

गामि- बांग्लाबारि, ला:सो:- डाल'वावारी

मिजिं

अराय हाथासि आंनि गोसो आरो मोनसे देहा। दं आंनि गोसोआव मोनसे मिजिं। थागोन नामा, बे आंनि मिजिंआ मानिबा जाहोनाव फेलें- ? थाड थाड थाड। आंनि मिजिड फेलें। आखायनि खलमनि बिदे आं रानाखे। आखाय आसिआबो सोमावनो बायाखे। गोसोआबो मेलेमावो मेंआखे। नेवसिआखे बै आंनि मिजिंखौं होसोनो।

मिस थोनधि बसुमतारि बासुगाव

टेद्रिकटिस खन्थाइ

नों बेकार थायोबा नॉनि जिउवाव दिखारा सानसेबाबो बिलिरगोन

था सुमलि फालांगि जानो हागौ नाथाय बिथाड थेवबो लिरगिरि

नों गोजोन हाबिला मोननाय नड जेरावबो नागिर नागिर थांबाबो

जों लाइमोन लिरगिरि जों फेहेरगोन बर' थुनलाइखौं अरायबो समाव

नों जिंगा लैथोयाव थायोबाबो सानब्रेनाया नोंखौं बिलिर फेगोन

नों नॉनि बोहैथि जिउ लामायाव गुमुर मोना दुखुनि बिलिरनाय

मा समा बिलिरो दुखु दाहा बोहैथि जिउवाव जों गुमुर मोना

जाय मावा दाडनो थाबाय थायो आंखाला बिखौं बिलिर फेथारगोन

-रैदोम बर', माजदिया, बगुलामारि, बाक्सा

बालें सिख्ला

सनिराम बसुमतारि

आय'अनजालि बालें सिख्ला बेरफुजानि थानो नों बबेयाव बालें बालें बालें! नॉनि जारो दखनाया, गलापि सादोरनि मोदाननाया फुंबिलिनि सान गोर्बो जों जासिनदों जारो-मारो हाद्रि नांगोन रजे, मोदोमाव जिनित नांगोन, हने नायहर दानव हान्जाया लामायाव आगं-फासं। रथ' रजे खोमसि बुहुमाव हासिंडे दाथां; मोस्रोम मासेयाबो फोथायनो गोब्राब बे मुगायाव। अनसुलि गोसोजों अनोबोला, सानसुलि गोसोजों आंगो सानोबोला फोरमायलां रजे थानो बबेयाव ? मावहैगोन नों मा ?? अ-सानदोंबोला हारिखौं बोखानो, बिमाखौं सिबिनो नड बे मुगाया हासिंडे आवगायनायनि। दड स'ना नों बादि हान्जासे बालें सिख्ला जॉनि लागोयाव बैसोरजों नोंबो लोगो जाहैदो गालांदो बर'नि नैसॉन सिनायथों इयुन जोलैफोरा।

फावखुंग्रि मुमताजआ इन्डियान आइडलआव बाहागो लानानै गावनि गोजाम बाथाफोरखौ फोरमायदों

फावखुंग्रि मुमताजआ गावनि समनि साफ्रोमबो सुपारहित स्टारफोर जै रकेश खान्ना, धर्मेन्द्रजों लोगोसे स्क्रिन शेयार खालामबोदों आरो माखासे समनि गेजेरावनो साफ्रोमबो सुबुंफोरनि जिउआव जायगा आवग्रिनो हादों। सरासनसा सुबुंफोरनि अनगायै बलिउडनि सुपार स्टारफोरबो बनि सायाव जावलिजा जायो। बिसोरनि गेजेरावनो समि कापुरआबो सासेमोन। बियो कापुर नख 'रनि अन्जालु फिसाज्ला, जाय गावनि एक्टिजों स्क्रिनआव गोबां दोहो सोमजिखोंहोदों। गावनि समाव समि कापुरआ गोबां मोजां सावथुनफोरव फाव खालामदों आरो बनि मुमताजजों फाव



खालामनाय सावथुनफोरखौबो सुबुंफोर गोबां मोजां मोन्दों। बै समाव समिआबो फावखुंग्रि मुमताजखौ गोबां मोजां मोन्दोंमोन। समि कापुरआ फावखुंग्रि गिता बालिजों जुलि

जादोंमोन। जायनिजा बिजों लोगोसे सानै फिसाफोरबो दड। नाथाय गिता बालिया बाडइ बैसोआवनो रूसारि जादोंमोन। जायनि थाखाय समि कापुरआ मुमताजखौ मोजां मोनो। बियो

बे सोमोन्दोखौ लानानै गोबां सिरियास जादोंमोन आरो बिखौ समिआ जुलि लानोबो हास्थायदोंमोन। बै समाव समिआ थोंजोडेनो मुमताजखौ जुलिनि थाखाय प्रपज

होदोंमोन। समिआ बै समाव 37 बोसोर बैसोनिमोनब्ला मुमताजआ 17 बोसोर बैसोनिमोन। मुमताजआ जेव्ला समिनि बे प्रपजालखौ खोनायो अब्ला बियो गोमोदोंमोन। मानोना गाव गोबां उन्दैमोन आरो गाव बेनि सोमोन्दै सानाखैबोमोन। मुमताजनि के रियारआ बै समाव जागायदोंल 'मोन आरो बियो गोबां हाबाफारि मावबावनो हास्थायोमोन। फारसेथिं समिआ मुमताजखौ जुलि जानायनि उनाव एक्टिजों नागरजानो हास्थायदोंमोन आरो गावनि फिसाफोरखौ सामलायजानोबो हास्थायदों। नाथाय मुमताजआ गनायाखै आरो कापुर नख 'रनि बिहामजो जायाखै। बावैसो समाव इन्डियान आइडलआव सौहैनाय मुमताजआबे गासैबो जाथायखौ गावनो फोरमायदों आरो बुंदोंदि, गाव दासिमबो माब्लाबा माब्लाबा समि कापुरखौ गोसो खाडो जाय आथिखालाव बे मुलुगाव गेलिया।

कियारा आडवानी आरो सिद्धार्थ माल्हराया थाबैनु जुलि जासिगोन



कियारा आडवानी आरो सिद्धार्थ माल्हराया 7 फेब्रुवारीआव जुलि जासिगोन। राजस्ताननि जेलसमेरुआव बिसोर सानैआ जुलि जागोन। बे जुलियाव माखासे स्टारफोर आरो

बिआइपि आलासिफोर बाहागो लागोन। हिन्जाव गोदान आरो हौवा गोदाननि गासैबो नख 'रनि सुबुंफोराने बेवहाय सौहैबाय। साफ्रोमबो बे रयेल वेडिनि सायाव नोजोर होदों। सिद्धार्थ-

कियारानि फेन्सफोरबो बे जुलिखौ नेनानै दड। फारसेथिं कियारा आरो सिद्धार्थआ बेसेबां सोल्लोथाइ लानाय बेनि बाथ्राया सोराडव फेदों। जुदि, कियारा आडवानीनि हौवा गोदान सिद्धार्थ माल्हरानि बाथ्राखौ बुडोव्ला बियो दिल्लीनि डन बस्क स्कुल आरो नभेल पाब्लिक स्कुलनिफ्राय सोल्लोथाइ लादों। उनाव बियो दिल्ली इउनिभासिंतिनि शाहिद भगत सिं कलेजनिफ्राय ग्रेजुयेसनखौ आबुं खालामदों। बेनि उनाव मडेलजों गावनि

केरियारखौ जागायो। बेनि उनिफ्रायनो बियो लासै लासै बलिउड फारसे आवगायबोयो। मख 'जाथाव बाथ्राया बेदि सिद्धार्थ माल्हराया 9 थि थाखोआव फेल जादोंमोन। बेनि उनाव बियो गावनि सोल्लोथायाव बांसिन गोसो होयो आरो 10-12 थाखोआव बियो मोजां नाम्बारखौ मोन्नो हायो। बलिउडनि टप फावखुंग्रि फोरनि गेजेराव जायगा आवग्रिनो हानाय कियारा आडवानीआ सिगानिफ्रायनो सोल्लोथाइ लानायाव गोबां गोखोंमोन। बियो केटेडुल एन्ट जन कनन स्कुलनिफ्राय गावनि सोल्लोथाइखौ आबुं खालामदों। 12 थाखोआव बियो 92 जौखोन्दो नाम्बारखौ मोन्नो हादोंमोन। बेनि उनाव ग्रेजुएसननि थाखाय जय हिन्द कलेजआव एडमिशन लायो आरो बेनिफ्राय मास कमिजनिफेशनजों ग्रेजुएसनखौ खालामो। बेनि उनाव कियारा आडवानीआ अनुपम खेर आरो ररान तनेजानि एक्टिं स्कुलआव एडमिशन लायो आरो एक्टिंखौ सोलोडो। 2014 आव रिजिज जानाय सावथुन 'फगली'जों कियाराया सावथुन इन्डस्ट्रीआव आगान होयो।

फावखुंग्रि रेणुका शहाणेआ फिसाइ कर्नल लुथराजों सावथुन पाठान नायनो ओंखारलादों

मुंदांखा बलिउड फावखुंग्रि रेणुका शहाणेआ ससियेल मिडियाआव गोबां एक्टिभ थानो। सम सम बियो ट्रेलारफोरनो फिन्नायबो होयो आरो समाजयारिनि सायावबो गोखों बिबुंथिखौ होयो। रेणुका शहाणेआ गावनि टुट्टर एकाउन्टआव सावगारि सेयार खालामदों। बे सावगारियाव रेणुका शहाणेखौ फिसाइ आरो बलिउड फावखुंग्रि आशुतष राणाजों लोगोसे नुनो मोन्दों। रेणुका शहाणेआ बे सावगारिखौ सेयार खालामनानै फोरमायदोंदि, आथिखालाव गावसोर पाठानखौ नायनो थांसिगोन। शाहरुख खाननि सावथुन पाठानआव आशुतष राणाया कर्नल लुथरानि फाव खालामदों। नाथाय सावथुनखौ एसेबां गोबावनि उनाव नायनायाव सासे फेनआ गोबां गोमोथाव सोंथि सोंदों।



मख 'जाथाव बाथ्राया बेदि रेणुका शहाणेआ बेखौ गोबां दोहो गोनाडे फिन्नायबो होदों। रेणुका शहाणेआ फिसाइ आशुतष राणाजों लोगोसे सावगारि सेयार खालामनानै लिरदो, थारैनु पाठानखौ नायनो थांसिगोन, बोथोरा गोबां मोजां जादों। कर्नल लुथराजों लोगोसे मासिनि बे लखौ खाबाय। नाथाय पाठानखौ नायनायाव एसेबां गोबाव जानायखौ लानानै फेन्सफोरा रेणुका

शहाणेनयाव सोंथि सोंनो जागायदों। सासे फेनआ रेणुका शहाणेनयाव सोंथि सोंदों, नोंथाडा प्रिमियारआव इनभाइटेड नडामोन नामा? बेनिसायाव रेणुका शहाणेआ फिन्नाय होयो, जों खौ लिंहरदोंमोन फंवाइ नाथाय जों थानो हायाखै। बेनि सायाव बे फेनआ बुंबावो, अन्नानै आंखौ फंवाइ दाहोन मानोना नोंथाडा आंनि क्राशामोन। जायखौ नोंथाडा मोनथिखायो।

90 जौथाइनि ग्लेमार्स फावखुंग्रिफोरनि गेजेराव ममता कुलकार्णिआबो सासेमोन

कंगनानि मोनसे गोदान भिडिअखौ फेन्सफोरा जोबोद मोजां मोन्दों

कंगना रनौतआ सासे बलिउड फावखुंग्रि, जाय गावनि बाथ्राफोरखौ रोखायै बुडो आरो गावनि गोसोनि हमदोनायखौ फोरमायनायाव बियो रावखौबो गिया। बियो हिमाचलनि थगिबि आरो आसार-खान्थिफोरखौ अराय सम फोरमायबाय थायो। बे बिथिडावनो बनि मोनसे गोजाम भिडिअआ भाइरेल जादों। जेराव बिखौ गावनि फंबायनि जुलियाव समाइना सारि गान्नाने मोसानाय नुनो मोन्दों। माखासे समनि सिगां बियो गावनि फंबायनि जुलिनि मोनसे भिडिअखौ शैयार



खालामदोंमोन जेराव कंगनाखौ समाइनायै हाजोआरि देखोआव मोसानाय नुनो मोन्दों। मोसानाय भिडिअआव कंगना रनौतनि

लुकखौबो हाजोआरि लुकआवनो नुनो मोन्दों। सारि गान्नाने कंगनाया जाय आखुयै मोसादों बै आखुखौ बनि

एबा फक मिडिजिकखौ जोबोद मोजां मोनो। बे भिडिअआव कंगनानि लुकनि बाथ्राखौ बुडोव्ला बियो क्रिम कलारनि गोबां समाइना सारि गान्दों। जायनि सायाव ब्राउन कलार लागायनाय। बेजों लोगोसेनो बियो गोदोनायाव सना आरो खोमायाव खेर गान्दों। गावनि हाजोआरि लुकखौ आबुं खालामनो थाखाय कंगनाया मोनसे हिमाचलनि थफिबो गान्दों आरो आखायाव सि उल लादों। बे भिडिअआव कंगनाखौ गोबां समायना नुदों, जेराव बिखौ हिन्जाव गोदान आरो माखासे सुबुंफोरजों मोसानाय नुनो मोन्दों।

आरो सशेल मिडियाआवबो एक्टिभ थया। थेवब्लाबो बनि हास्थायगिरिफोरा गोबां दड। ममता कुलकार्णिआ गावनि एक्टिनि अनगायै स्टडिलिस आरो

माहाम देहानि राहा

देहायाव माखासे बेरामफोरा सन्देरनो हमोव्ला खनले खनले देखौ लोडेव्लाबो गांगानाय मोना

जों माब्लाबा माब्लाबा गोबां दे लोडेव्लाबो देखौ गांगानाय बायदि मोना। गोबां हर गेजेराव दै गांगानयनि जाहोनाव सिरि मोनखाडो। बेबायदियाव खनले खनले दै गांगानयनि जाहोना सोराडव फेदों, जायखौ नोंथाडा सम थानायावनो हमदोनाने गाव गावनि देहाखौ जेनानिफ्राय बारहोनु हागोन।



बाडो अब्ला बेजों नोंथानि देहानिफ्राय गोलोमदै गयो। जायजों नोंथाडा डि हाइड्रेशन जानो हागौ। बेबायदियाव नोंथाडा जेसेबांखि दे लोड मानो नोंथानि दै गांगाना माब्लाबाबो आबुं जाया। हाइ ब्लाड प्रेसरनि जेनाना गाजि रोखोमै जिउ खुंनयनि जाहोनाव बाडो बेबायदियाव हाइ ब्लाड प्रेसर जानायजों लोगोसे देहायाव दैयाबो बाडइ जालाडो।

हाइड्रेशनआ मोनसे औरैबायदि जेना, जाय देहायाव दैन बाडइ जानायनि फारसे इसारा होयो। देहायाव दैया बांड्रय दै लोडेनि जाहोनाव बाडइ जालाडो। बेबायदियाव नोंथाडा जेसेबांखि दै लोड मानो देखौ गांगानाय मोना। डि हाइड्रेशनखौ जानगार खालामनो थाखाय गोबां दै लोनांगो। फिथाइ सामथाइनि जुस आरो नारिखल बिदेखौ गोबां लोनांगो।

1. डायबेटिस: जुदि नोंथानि थैयाव सुगारनि बिबांआ बाडो अब्ला नोंथानि देहाया बे सुगारखौ इउरिनि (हासुदै) नि गेजेरजों बायजोआव ओंखारनो नाजायो। बेनि जाहोनावनो खनले खनले इउरिनि खालामनांगो जायो, जायजों नोंथानि देहानिफ्राय खनले खनले दैयाबो ओंखारलाडो। बेनिखायनो खनले खनले दै गाडो।

2. ब्लाड प्रेसर: जुदि दैयाबो बाडइ जालाडो।

3. डि हाइड्रेशन: डि नोंथानियाव ब्लाड प्रेसरआ

वाहिदा रहमान आरो अमिताभ बच्चननि गेजेराव जानाय मोनसे जाथाया सोराडव फेदों

वाहिदा रहमान आरो फावखुंग्रि अमिताभ बच्चनआ गोबां सावथुनफोरव लोगोसेयै फाव खालामबोदों आरो बे बिग बिनि थाखाय माबेवा सिमांआ जाफुंनय बायदि जादोंमोन। मख 'नो गोनांदि, फावखुंग्रि वाहिदाया अमिताभ बच्चननिफ्राय केरियारआव गोबां सेनियरमोन। अमिताभआ वाहिदाजों लोगोसे स्क्रिन शेयार खालामनो हास्थायनानै नो बलिउडआव फेदोंमोन आरो जेव्ला बियो बे खाबुखौ मोनो अब्ला गोबां खुसि जादोंमोन। नाथाय मोनसे सावथुनाव बिनि फाव खालामनो हास्थायनाया जेनाजों मोगा-मोगि जानादों, जेव्ला बियो फावखुंग्रिजों सोबा जादोंमोन। बे जाथाया रेन्मा और सेरानि सेटआव जादोंमोन। सुदिनि सेटआव पडनि उनावबो गोबां जाथायफोरा जायो। बेबायदिनो वाहिदा आरो अमिताभनि गेजेराव रेन्मा और सेरानि सेटआव जादोंमोन।



जेव्ला मोनसे सिनआव वाहिदा रहमानआ अमिताभ बच्चनखौ सोबानो गोनांमोन अब्ला फावखुंग्रि वाहिदाया अमिताभ बच्चनखौ जंखायनाय रावै गोबांरे सोबानो सांग्रंथि होदोंमोन, जायनि उनाव बियो सटखौ जागायो आरो गोरोन्थियै अमिताभ बच्चनखौ गोबांरैनु सोबाफलाडो। बेनि उनाव अमिताभ बच्चनआ वाहिदानि

खाथियाव फँयो आरो जंखायनाय रावै वाहिदा नोंथाडा गोबां मोजां हाबाफारि मावदों होन्ना बुडो। मख 'नो गोनांदि, वाहिदा रहमानआ जेव्ला 13 बोसोर बैसोनिमोन अबलानो बिनियाव सावथुननि अफारआ फेदोंमोन। नाथाय बै समाव बिनि बिफाया गनायाखेमोन। बे समाव वाहिदाया भारत नात्यम सोलोडोमोन। तेलुगु सावथुनाव

बिनि मोनसे मोसानाया गोबां मुंदांखा जादोंमोन, जायनि उनाव बियो तेलुगु सावथुनाव एन्ट यमा रावनि अपजिउटआव गाहाइ फावखौ मोन्दोंमोन। बेनिफ्रायनो बिनि एक्टिनि दावबायनाया जागायदोंमोन। बिनि सायाव गुरु दत्तनि नोजोर गोग्लैदोंमोन आरो बियो हरजों हर स्टार जादोंमोन। वाहिदा रहमानखौ दिनेसिमबो जोबोद समायना नुयो।



रामेस लुकरजोंबो सुबुंफोरनि गोसोआव जायगा आवग्रिनो हायोमोन। ममता कुलकार्णिआ आथिखालाव 50 बोसोर बैसोनि जाबाय। नाथाय बियो दासिमबो गोबां समायना। सशेल मिडियानि गोबां प्लेटफर्मआव बिनि गोदान सावगारिफोरा फेन्सफोरनि गोसोखौ बोनो हायो। बेबायदियाव ममता कुलकार्णिनि मोनसे सावगारिया बे समाव सावरायजानायनि आयदा जादों। ममता कुलकार्णिनि मोनसे सावगारिया बे समाव सशेल मिडियाआव

भाइरेल जादों। बे सावगारियाव 90 जौथाइनि बे ग्लेमार्स फावखुंग्रिखौ गोबां सोलायनाय नुनो मोन्दों। ममतानि बे सावगारिखौ नुनायनि उनाव फेन्सफोरबो बिखौ सिनायनो हायाखै। मख 'नो गोनांदि, ममता कुलकार्णिखौ बलिउडनि माखासे हिट सावथुनफोर जैरै करण अर्जुन आरो बाजि बायदियाव नुनो मोनखांबाय। लोगोसेनो ममतानि मुडा बलिउडनि बै फावखुंग्रिफोरनि गेजेरावबो थाफादेरो, जाय इन्डस्ट्रीनि साथाम खान एबा

शाहरुख, आमिर आरो सलमानजों लोगोसे फाव खालामखांबाय। मोनसे समाव ममताया गोबां जाफुंनयनायखौ मोन्नो हादोंमोन। नाथाय उनाव बिनि सावथुनाव फाव खालामनयनि ग्राफआ गहायाव थाडो। ममताआ बल्ड फट 'सुट खालामजानानै बो पाब्लिसिटी मोन्नो नाजादोंमोन। नाथाय बेजोंबो बिनि केरियारआव गाजि गोहोम गोप्लैदों। माखासे जेनानि जाहोनावबो ममता कुलकार्णिआ सावरायजादोंमोन। ममता कुलकार्णिआ ड्रस फर्लांगि खालामग्र बिबिक कसुवामिजों जुलि जादोंमोन। ड्रस वेसआव बिबिकआ गोबां खेव जोवथेसालियावबो थानांखांबाय। ममता कुलकार्णिनि वर्कशूटनि बाथ्राखौ बुडोव्ला बियो आशिक आवाग, ब्रॉटिपर, करण अर्जुन आरो सबसे बड् खिलाड् सावथुनजों लोगोसे गोबां सुपारहित सावथुनफोरव फाव खालामबोदों।

मिरु सरकारआ गावनि आंगो लोगोफोरनि थाखाय सरासन्त्रा सुबुंफोरनि रांखौ खहा खालामदों: सनिया

गोदान दिल्ली, 6 फेब्रुवारी: गौतम आदानीनि केसखौ लानानै कंग्रेसजों लोगोसे गासैबो बरेखा दोलोफोरा मिरुनि नरेन्द्र मदि सरकारखौ बेंखन्नो थियारि खालामदों। लामानिफ्राय लानानै संसदसिम बरेखा दोलो आरो बिसोरनि मावफारियाफोराबो गाग्लोबनायनि थियारिआव नांथाबदों। मख'जाथावदि, हिन्दन बार्गनि रिपर्टनि उनाव आदानीनि शेयारफोराव गोबां दावखलायदों आरो बेनिफ्राय लाख लाख सुबुंफोरा खहा जानानायनि उनाव बरेखा दोलोफोरा मिरु सरकारनि सायाव गाग्लोबनायनि मोनसेबाव खाबु मोनो। बरेखा दोलोफोरा दाय जाबसिन्दोंदि, मिरु सरकारआ सरासन्त्रा सुबुंफोरनि रांखौ आदानीनो गथायनानै सिलिंखार खालामबाय। बेराफासैं बरेखा

दोलोफोरा जुथाय संसदयारि समिटि दानायनिबो दाबि दैखादों। बेनि गेजेराव कंग्रेसनि बाराग' आफादगिरि सनिया गान्धीआबो आदानीनि केसखौ लानानै सरकारनि सायाव बाश्राजों गाग्लोबदों। बिथाडा बुंदोंदि, निखावरि आरो गेजेर थाखोनि सुबुंफोरनि रांखौ लानानै माखासे धोनि सुबुंफोरखौ मुलाम्फा मोनहोनी थाखाय गाहाइ मन्थ्रिनि बिथांखि लाबोनाया गासैखौबो सिलिंखार खालामबाय। सरकारनि रां नट बन्द खालामनाय आरो गात्रि राहाफोरजों थियारि खालामजानाय जिएसटिनि थांखि लानायनि जाहोनावबो फिसा-फिसा फालांगिरिफोरा गोबां खहा जानादों। सरकारआ मोनथाम आबादिनि आइन लानानै फेदोंमोन, जाय आबुडेनो फेलें जादों आरो बेनि उनाव आबादिनि



फासैं नोजोर होनायखौ नागारदों। सिगां फासैं सनिया गान्धीआ बुंवावदोंदि, कौटि कौटि निखावरि आरो गेजेर थाखोनि सुबुंफोरनि गोलोमदेंजों आजिनाय धोनि सायावबो गात्रि नोजोर दड। मानोना सरसन्त्रा सुबुंफोर गावसोरनि आजिनायनि बांसिन बाहागोखौनो एलआइसि आरो एसबिआइ बायदि फोथायजाथाव फसंथानफोराव रां जमा खालामनानै दोनो आरो बेखौ सरकारआ गावसिनि सायख'ना लानाय माखासे लोगोफोरनि कम्पानो जेंरे एलआइसि आरो एसबिआइ बायदिआव इन्भेस्ट खालामनो थाखाय नारसिनो। गाहाइ मन्थ्रि आरो बिथांनि मन्थ्रिफोर मुलुगनि गुरु आरो अमृत सम फेनायनि दहाय होनाय सुबुंफोरखौ गावसोरनि फासैं गोसो लेमहोदों। नाथाय गाहाइ मन्थ्रिनि

सायख'नाय आरो धोनि सुबुंफोरा रांखान्थिनि गेनाखान्थियाव बाहागोयारि जानानै थादों। मख'जाथावदि, फासैंथि सुबुंफोरनि गोलोमदेंजों आजिनाय धोनि सायावबो गात्रि नोजोर दड। मानोना सोमावसारनांगौ होन्नानै थुलुंगा होदों। गुबुन फासैं कंग्रेसनि गाहाइ नेहाथारि केसि बेनुगपालआ मिरुनि नरेन्द्र मदि सरकारनि सायाव थांखिनानै गोखों रावजों बुंदोंदि, मिरु सरकारआ गावनि आंगो लोगोफोरनि थाखाय सरासन्त्रा सुबुंफोरनि रांखौ बाहायनानै सिलिंखार खालामदों। कंग्रेसआ बेखौ गोखोडे अजद होयो आरो सरासन्त्रा नोगोरारिफोरनि थाखाय एलआइसि, एसबिआइ मावख'फोरनि दरखं मोखाडाव गोखों सोमावसारनो।

चीनआव गुबुन हादरनि लेबारफोरा जिर' कभिड पलिचिनि बिजाउनजों सैनादों

बेइजिं, 6 फेब्रुवारी: चीननि जिर' कभिड पलिसिनि गोहोमखौ लेबार मावग्राफोरनि सायावबो बांसिन गोलैनाय नुनो मोन्दों। वयस एन्टेस्ट अटडक्रेसिनि रिपर्ट बादिब्ला, चीनआ जिर' कभिड पलिसिखौ माखासे आसा खालामनायनि गेजेरजों बोखारनानै होदों। बे आसा खालामनायानो जादों जिर' कभिड पलिसिखौ बोखारोब्ला नोगोरारिफोरा रेहाय मोनगोन। नाथाय बे थांखि लानाया गुबुन हादरनि लेबारफोरनि थाखाय मोजां फोरमान जायाखै। जिर' कभिड पलिसिजों गोहोम गोलैनायनि उनाव गुबुन हादरनि लेबारफोरा गोदान गोदान खामानि नागिरनायाव नांथाबदों। बे पलिसिआ चीननि रांखान्थियावबो हेंथा होनायनि खामानि मावदों। जायनि -जाहोनाव दिन हाजिरा मावग्रा लेबारफोरनिथाव बांसिन गोहोम गोलैदों। रिपर्टनि बादिब्ला, फेस्टिभेलनि समाव लेबारफोरखौ गाव-गावनि



न'आव गिदिबोफिन्याय नुनो मोनो। जायनि जाहोनाव कारखानाफोराव लेबारनि आंखाल जायोमोन। नाथाय बे खेबआव बिब्दि जायाखै। बिसोरो थाबैंनो खामानि नागिरनायाव नांथाबफिन्दों। करना भाइरास गोसारनायनि जाहोनावनो बे बोसोराव गोबां सोलायनाय नुनो मोन्दों। गुबुन हादरनि लेबारफोरा सम जानायनि सिगाइववो खामानि नागिरनानै गिदिबोफिन्दों आरो दासिमबो बिसोरो मोनसे थि खामानि मावनायनि खाबु मोन्नो हायाखै। थांनाय बोसोराव फक्सकान जेंनानि

उनाव लेबारफोरजों गात्रि आखु दिन्थियायखौ नुनो मोन्दों मोन। बिसोरखौ गावसिनि बनास आरो दान बान्थानि थाखाय जेंना जानानायावखौ मिथिनो जेंना जादोंमोन। बेनि जाहोनाव बेथन गैयालासे लेबारफोरा खामानि मावनादों। चैनझेन, कियानाम आरो गुआंशुजों लोगोसे चीननि बांसिन ओन्सोलफोराव एखे थासारि सोमजिनानै दड। गोबाव समसिम बेबादि सोलिबाय थायोब्ला जेंनाया गोब्राबसिन जागोन आरो चीनआ मुलुगनि मेनुफे कसारि हाब होन्ना

बुंजानाय बिमुंखौ खोमानानो हागौ। लोगोसेनो आमेरिका आरो इडरपनि गिदि-गिदि कम्पानोआ चीनखौ नागारलानो हागौ आरो भियेतनाम, भारत बायदि हादरआव फेनायनि थांखि लानो हागौ। बे समाववो ग्लबेल स्ट्रेटिभिजनि रिपर्टआव बुंदोंदि, चीननि जिडिपिआ 2022 आव 3 जौखोन्दो बांसिन्दों।

मनिपुरआव म्यान्मारनि सा 10 नोगोरारिफोरखौ हमनो हादों

इम्फल, 6 फेब्रुवारी: मनिपुरनि सुगचन्दपुर जिल्लानिफ्राय सा 6 आइजोफोरजों लोगोसे सा 10 म्यान्मारनि नोगोरारिफोरखौ हमनो मोन्दों। खोरानि बादिब्ला, बिसोरो आइनारि लेखा बिलाइ गैयालासे भारतआव हाबनो नाजादोंमोन। पुलिसिआ मिथिहोनाय बादिब्ला, बै जिल्लायाव म्यान्मारनि नोगोरारिफोर थाफेनायनि खोरंखौ गावसोर मोन्नो हादोंमोन। सुलुनि बे खोरंखौ बिथा खालामनानै पुलिसि हान्जाया निउ लमका सहरनि वाल बें ओन्सोलाव 5 जानुवारीनि सान्जौफु समनिफ्राय अपारेसन सालायदोंमोन। पुलिसिखौ नुनानै म्यान्मारनिफ्राय फेनाय बिसोर सुबुंफोरा खारनो नाजादोंमोन। नाथाय पुलिसिआ उनसंनानै बिसोरखौ हमनो हायो। पुलिसिनि नायबिजिरनायाव बिसोरखौ म्यान्मारनिफ्राय सुगचन्दपुरआव



आइन बेरखायै हाबफेदों होन्नानै मिथिनो मोन्दों। खोरानि बादिब्ला, बिसोरनि गेजेराव सा 8 आ म्यान्मारनि मंभानि थागिरिफोर। बिसोरनि हेंथायै गुबुन हादरयारि बिथोनमानि गेजेरजों केस थिसनाय जावय। बेनि सिगां मनिपुरनि गिबि मन्थ्रि

एन बिरेन सिंहआ बुंदोंमोनदि, आइन बेरखायै गुबुन हादरनिफ्राय हाबफेनायफोरनो आश्रय होग्राफोरनि हेंथायै गोखोडे आइनारि नायबिजिरनाय जागोन। म्यान्मारआ मनिपुरजों 398 कि:मि: हारिमायारि सिमनाजों नांजाबो। गुबुन

हादरनि सुबुंफोरनो जायगा होनाया राज्ज्योनि थाखाय बयनिखुइबो देरसिन खैफोद होन्नानै 2022 आव गिबि मन्थ्रिआ फोसावदोंमोनदि, बेबादि सुबुंफोरखौ सिनायथिनि थाखाय न'-न' सिग्रोमनाय जागोन।

जोनोम हारआ दावखलायनायजों चीन आरो जापानआ जिंगायाव गोलैनादों

चीननि सुरां बेलुनखौ गावफुनायाव गोबाव खालामनायनि हादरगिरि बाइडेनखौ सोंखारिदों


वाशिंग्टन, 6 फेब्रुवारी: साननेसो सिगां आमेरिकायाव नुनो मोनाय चीननि बेलुनखौ लानानै राजखान्थि खालामनाया जागायदों। रिपाब्लिकान आमेरिकानि एमपिफोरा रबिबारखालि हादरगिरि ज बाइडेननि सन्देह खालामथाव मोनसे चीननि संगालि बेलुनखौ गावफुनायाव गोबाव खालामनायनि थाखाय सोंखारिदों। आमेरिकानि एमपिफोर चीननि फासैं गुरुं आखु दिन्थियाय आरो सिगां समाव आमेरिकानि अखामा ओन्सोलाव आइन सिमफायनायखौ स्रोदयै लाखिनो नाजानायनि दाय जाबसिन्दों। मख'जाथावदि, आमेरिकानि अखामा सान्थ्रिनि गंसे दावहा नांग्रा फाइटर जेटआ शनिबारखालि आलास्कानि साखाथियाव आमेरिकानि अखामा ओन्सोलाव हाबहैनाय चीननि बेलुनखौ 1 सप्ताहनि उनाव केरलिनानि बोरिमायाव सिलिंखार खालामदों। बे संगालि बेलुनआ चीन आरो आमेरिकानि



सोमोन्दोखौ आरोबाव जेंना गोनांसिन खालामबाय। रेखाथि बिफाननि नेहाथारि लयड अस्टिनआ बुंदोंदि, आमेरिकानि सान्थ्रिआ बेलुनखौ नायबिजिरनानै जोबोद गोनां संगालि खोरंखौ जुथायनो हागौमोन। डनाल्ड ट्रम्पनि खुंथाय खुंनाय समावबो चीननि मोनथाम बेलुनआ इडएसएआव हाबहैदोंमोन। अदेबाबि बेबाश्राखौ हादरगिरिआ नेवसिगारो। आमेरिकानि सान्थ्रिफोरा आटलान्ठिक लैथोमायाव चीननि मोनसे संगालि बेलुनखौ सिलिंखार खालामो। बेनि उनाव बेनि बायखोन्दा थुखाफोरखौबो बुधुमनायनि हाबाफारि लायो।

बेराफासैं चीनआ आमेरिकानि फासैं गोखों फिनजाथाय होनायै बेनि सान्थ्रि हान्जानि नडै उरां जाहाजनि हेंथायै सान्थ्रि हान्जा बाहायनायखौ लानानै खिथेर लानायनि हुमखि होयो। आमेरिकानि सासे गागि रेखाथि बिबानगिरिआ फोरमायनाय बादिब्ला, हादरगिरि ज बाइडेननि बिथोन होनायाव आमेरिका सान्थ्रिआ गावसिनि सम बादिदै 2.39 रिंगायाव खोला केरलिनानि बोरिमायाव आमेरिकानि बोरिमानिफ्राय 9.65 कि:मि: गोजानआव आटलान्ठिक लैथोमानि सायाव बेलुनखौ सिलिंखार खालामदों।

बेइजिं, 6 फेब्रुवारी: चीन आरो जापानआ आधिखालाव जोनोम जानाय अन्जिमाया दावखलायनायखौ लानानै जिंगा सिनादों। माखासे बोसोर सिगांनिफ्रायनो बे दरनैबो हादरआव जोनोम जानायफोरनि अन्जिमाया गोबां दावखलायदों। बेनि थाखाय गोबां जाहोनफोरखौ फोरमायनाय जादों। नाथाय जर'खागिरिफोरनि बादिब्ला, बे दरनै हादरआव जोनोम जानाय हारआ दावखलायनायनि थाखाय जुलि जानाय जरफोर नख'र दानायाव एबा उन्दैफोरखौ खानो नेवसिनानयनि जाहोनायो गाहाइ। सरकारनि नेमखान्थि, समाजयारि गुदि बिथा आरो रांखान्थियाथि थासारिआ जापानआव लाइमोनफोरखौ सान्नाय-हनायाव सोलायनाय लाबोनो नारसिन्दों। जर'खागिरिफोरनि बादिब्ला, जापानआव बोसोरफोरमबो 8 लाख उन्दै जोनोम जायो। फासैंथि 10 बोसोर सिगाइव बोसोरफोरमबो जापानआव 20 लाख उन्दैफोर



जोनोम जायोमोन। भारतजों रुजुयोब्ला जापाननि जानाय-लौनाय, ट्रेसपर्टसन, मेडिकेल खरसा, न'फोरनि भागया जोबोद बांसिन। मिडिया रिपर्टनि बादिब्ला, भारतनिफ्राय जापानआव 182 जौखोन्दो बेसेन बांसिन होन्नानै हमदंनय जादों। मख'जाथावदि, जापानआव आगुनि आसारखान्थिजों सोलिनायखौ दासिमबो नुनो मोनो। नाथाय

समजों लोगोसे बेवहायबो जर'खा सोलायनायखौ नुनो मोन्दों। आइजोफोरनि थासारिआ सिगांनिफ्राय जोबोद बांसिन गोखों आरो साबसिन जानानै फेदों। आइजोफोरा हौवाफोरनिखुइ बांसिन बाइजोआव ओंखारनानै साखि मावदों। 2021 आव खालामनाय जापाननि लेबार फर्स साभेआव बुंनाय बादिब्ला, हादरआव 52.2 जौखोन्दोआबो

साखि मावो। जापानआव नोगोरारिफोरा सरकारनिफ्राय गोबां खम मदद मोनो। 2022 नि मोनसे सरकारि रिपर्ट बादिब्ला, 20 निफ्राय 40 बोसोर बैसोनि सुबुंफोय बेसेन गोसा आरो साखि मोनायनि जेंना बायदिनि जाहोनाव फेमिली प्लेनि एवा नख'र दानायनिफ्राय गोजानाव थायो। बेराफासैं मुलुगनि वयनिखुइबो बांसिन सुबुं अन्जिमा गोनां

चीननि थाखाय बे बोसोरा जोबोद मख'जाथाव फोरमान जादों। मानोना थांनाय 60 बोसोरनि गेजेराव गिबि खेव 2022 आव जेसेबां सुबुं अन्जिमाया बारायदों बेनिफ्राय बांसिन सुबुंफोर थैदों। चीनआव 2022 आव सा 90,56,000 उन्दैफोर जोनोम जादों। नाथाय 1,41,000 सुबुंफोरनि जिउ गोमादों। चीननि कमिउनिस्ट सरकारआ 2016 आव वान चाइल्ड पलिचिआव माखासे रेहाय होनायै सानै उन्दै खानायनि पलिचि लाबोदों। बेनि उनाव साथाम उन्दै खानायनिबो गनायथि होदों। अक्लाबो नाथाय बांबोबाय थानाय कस्ट अफ लिभिं एबा बेसेन बांबोनायनि जाहोनाव सुबुंफोरा नख'र दानायनि फासैं गोसो गैयै जालादों। जर'खायै चीननि सहरफोराव बेसेन बांनया बांसिन आरो जिउ खानाया गोब्राबसिन। जायनि जाहोनाव बिमा-बिफाफोरा फिसानि थाखाय खरसा खालामनायावबो गोबां जेंना जानाजे।

